

PIEUS
Arboretū
et CASTRO
ignis lam-
bens.

12079







Table

- 10) Meursus (J.). Arboretum sacrum... Lugduni Bat.
1642, 140 p.
- 20) Castro (Ez. de). Ignis lambens... Veronae
1642, 198 p.

RE IOANNIS MEYRSI FILII

Res 12079
1

ARBORETVM SACRVM,

SIVE

De Arborum, Fruticum, & Herbarum,
consecratione, proprietate, usu
ac qualitate.

LIBRI III.



LYGDVNI BATAVORVM,
Ex Officinâ Elseviriana.

clō lo c XLII.



ILLVSTRISSIMIS

A C

PRÆPOTENTIBVS

Vnitæ Belgicæ Provinciarum
Ordinibus Generalibus

JOANNES MEYRSIUS FIL.

D. D. C.

PUBLICVM aliquod
cultus animique do-
cumentum ultra vo-
bis debere non licet, AVGV-
STI PATRES. Ne aut parum
agnoscere videar quid vestris
debeatur meritis, aut æstima-
re PATRIÆ NOMEN, quod
ego tanti semper feci, quan-
ti orbis hic universus Fortu-
nam Vestram & Potentiam,
utramque maximam. Vlysses

DECICATIO.

ille Homericus cum ad Ithacam se appulisse videret, solum amplexus est, salutavit Deos, quæque familiaris optarat loca, peculiari voluptatis plausu veneratus est, & gaudio. Ego postquam non ita pridem ex Italia cæterisque tot Regnis redux, ad inclytum hoc Belgium nescio quo fortunæ ordine delatus sum, & ad eam reversus sum terram, in qua & aërem hausi & pueritiam transégi, eo pariter animo votoque complexus sum, quo semper profecutus, & ut compendium haberem religiosi affectus ex clamavi:

*Salve Sancta Parens Divûm
Saturnia tellus.*

Hujus

DEDICATIO.

Hujus verò amplitudinem
nondum satis recte intueri me
aut colere arbitratus sum, nisi
à pietatis præscripto & anti-
quâ Persarum lege auspicarer,
quâ constitutum erat, ut ne-
mo Reges, aut quicunque
Deorum vices in terris susti-
nerent, accederet sine aliquo
munere, quemadmodum nec
aram sine donario. In quam
sententiam tanto facilius ex-
citatus sum, quanto major &
potentia vestra & meritorum
magnificencia; quam etsi ad-
mirari facilius possum, quam
celebrare, tacere tamen hoc
tempore non licet, ne silen-
tium velut delictum sit. Ea
enim, AVGVSTI PATRES,
mentis meæ conditio, ut ve-

D E D I C A T I O.

ster esse non possim , nisi ag-
noscam , nec æstimare videar,
quos venerer , nisi me pluri-
mum debere profitear, quo-
rum alterum officii mei , alte-
rum integritatis est. Nemo
aut bonus aut doctus, qui non
vester, nemo vester qui se non
felicem fuerit arbitratus. Est
videlicet hæc perpetua & pro-
pe divina Fortunæ vestræ ra-
tio, ut qui Potentissimi, etiam
Optimi sitis , nec beare solum
sed illustrare etiam velitis &
summam fortunam pari be-
nignitate adæquare. Ne lon-
gior sim , in verborum testi-
monium revoco Manes Bea-
ti Parentis mei , quem tam
benevolè semper complexi
estis, quàm semper fuistis ma-
ximi.

DEDICATIO.

ximi. Id quod profiteri malo,
quàm recensere, & gratiam
debere, quam modum ac
multitudinem meritorum ve-
strorum definire. Valete Illu-
strissimi Heroës, Valete, Va-
lete inquam, ac favete Meur-
sio Filio.



Nobilissime MEVRSI.

His diebus accepi literas tibi
inscriptas, quas mitto: &
unà nostras ad Clarissi-
mum Dominum Henri-
cum Ernstium, quas facile procura-
bis. Utinam in aliqua re utilis tibi
esse possem. Omnia enim non modò
propter Ingentem Parentem tuum,
sed etiam tua caussa volo. Quæso
quamprimum in lucem da illum li-
bellum de plantis numini cuipiam
dicatis. Est enim opusculum & ele-
gans, & pereruditum. Eoque magis
festinare te velim, quòd in quinto
libro de Theologia gentili, & Phy-
siologia Christiana idem tractem ar-
gumentum. Malo autem præverti,
quàm prævertere; cuius caussam &
ipse vides, & coram plenius expo-
nam. Amstelodami cldo Ioc XLII.
XIII. Iunii.

Tuus æternum

GER. JOAN. VOSSIVS.

NOBI-

NOBILISSIMO VIRO,
DOMINO
IOANNI MEVRSIO

Magni istius
JOANNIS MEVRSI FILIO.



Omina Clara gravant, onerantq;
vocabula magna,
Et grandes tituli non leve pondus habent.

Sed vires lassare tuas, sed frangere nervos,

Sed nequeunt humeros debilitare tuos.

Par oneri tu solus eras, cognomine tanto,

Ac tanto solus nomine dignus eras.

Totus inest nato genitor, virtusque
MEVRSI.

Vel nunquam occubuit, vel rediviva fuit,

Est tibi doctrina, ingenium, Sapientia patris,

Patris erit pariter gloria, fama, decus.

BALTHASAR BONIFACIUS

Archidiaconus Tarvisanus.


CLARISSIMO VIRO
IOANNI MEURSION,
celeberrimi illius Ioannis F. cum
Arboretum suum ederet.



*Lari parentis stirps, paren-
tis æmula,
Et jam futuro destinate sæ-
culo,
Ex Arboreto posteris quod dedicas,
Apollo, Meursi, dedicat laurum tibi.*

DANIEL HEINSIUS.

AD EUNDEM
VIRI AMICISSIMI F.

 Eurfiade, magni soboles di-
lecta parentis,
Et viduæ matris cura decusque
tuæ,

Quis tibi vel viridem myrtum lau-
rumve negârit,

Hic ubi stirpe sacra pagina nulla
vacat?

ADOLFVS VORSTIVS.

VIRO NOBILISSIMO
DOMINO
IOANNI MEVSIO
Magni Parentis Filio.



*Scilicet igitur certè virtus post fa-
ta triumphat
Et decus in meritis exerit
omne suis.*

*Haecenus ille meus poterat vixisse vi-
deri*

*MEVSIVS, & Claras dese-
ruisse Deas.*

*Vivit, & occiduo veluti Sol major in
auro*

*Fulget, & Hesperias altius urget
aquis;*

*Non aliter magni decus indelebile Pa-
tris*

*Incipit à mediis clarius esse rogis,
Et radios in Te MEVSIVS præclare
refundit,*

*Quodque decus vitæ non habet,
inde capit.*

*Scilicet ingenii potius quam sangui-
nis hæres*

*Crederis & studiis non minor esse
suis.*

Gra-

*Gratulor has laudes & tot præconia
famæ:*

*Sic decet Heroum nomina ponè
sequi,*

*Et geminum complere suis virtuti-
bus orbem,*

*Quodque facis, dotes exsinuare
suas.*

*Esto quod es, Patremque refer, vel
celsius exta*

*Vt tuus ex merito congeminetur
honor.*

*Nam velut à gemmâ splendet pul-
chrius aurum*

*Sic à patrimo lumine lumen ha-
bes.*

GODEF. CRETSCHMARVS.

INDEX



INDEX CAPITVM

LIBRI I.

1.	D E Abiete.	1
2.	De Quercu.	4
3.	De Fago.	9
4.	De Lauro.	9
5.	De Palma.	22
6.	De Populo.	43
7.	De Cedro.	44.
8.	De Larice.	48
9.	De Asculo.	50
10.	De Cupresso.	51
11.	De Ficu.	53
12.	De Fraxino.	58
13.	De Illice.	59
14.	De Oleastro.	59
15.	De Pinu.	61
16.	De Platano.	64
17.	De Smilace.	66
18.	De Tilia.	66
19.	De Loto	67
20.	De Moro.	70
21.	De Lentisco.	71
22.	De Cornu.	72
23.	De Pyro.	72
24.	De Ceraso.	74
25.	De Buxo.	74
	26. De	

INDEX CAPITVM.

26. De Olea.	75
27. De Iunipero.	80
28. De Taxo.	81
29. De Phello five Subero.	82
30. De Alno.	83
31. De Malo.	84
32. De Arbuto.	87
33. De Pruno.	88
34. De Betula.	89
35. De Ligustro.	90

LIBRI II.

1. D E Myrto.	93
2. De Rosa.	100
3. De Vite.	110
4. De Erica.	125
5. De Paliuro.	126
6. De Genista.	127
7. De Rhoë five Rhu.	127
8. De Rhamno.	128

LIBRI III.

1. D E Adianto.	131
2. De Allio.	131
3. De Gramine.	132
4. De Hedera.	133
5. De Hyacintho.	135
6. De Narcisso.	136
7. De Papavere.	137
8. De Dictamno.	140

ARBORES QVAS

Primus Liber continet,
sequuntur.

ABIES.	MORVS.
QUERCVS.	LENTISCVS.
FAGVS.	CORNVS.
LAVRVS.	PYRVS.
PALMA.	CERASVS.
POPVLVS.	BUXVS.
CEDRVS.	OLEA.
LARIX.	IVNIPERVS.
ÆSCVLVS.	TAXVS.
FICVS.	PHELLVS five SV-
FRAXINVS.	BER.
ILEX.	ALNVS.
OLEASTER.	MALVS.
PINVS.	ARBVTVS.
PLATANVS.	PRVNVS.
SMILAX.	BETVLA.
TILIA.	LIGVSTRVM.
LOTVS.	



IOANNIS MEVRSI FIL.
ARBORETI SACRI

LIBER I.

Qui est de Arboribus.

CAP. I.

De Abiete.

QVI obirent sacra Bacchi ra- ^{Consecratio}
mos abiegnos gestabant, si-
quidem illi in corona abies
sacrata esset, uti testis est Xe-
nophanes, in Salibus:

Εἰς στεφάνους,

Εἰσᾶσι δὲ ἐλάῳ πυκινὸν περὶ δῶμα·

In coronas

Consistunt abietes pulchram circa domum.

Nam hedera, & smilax, & abies, & quer-
cus, erant arbores Baccho sacrae, quibus
Thyades utebantur in sacris, ut est in his;

— Εἰπὶ δὲ ἐθεντο κιστίνους

Στεφάνους, δρύϊ τε, σμίλακός τ' ἀνθεσ-
φόρους.

A

Hederae

*Hederæ dederunt hac coronas crinibus,
Quercusque, smilacisque, onusta floribus,
in his.*

Ω Σέμέλας θεοφοὶ θῆβαι,

Στεφανῶθε κισσῶ·

Βρύετε, βρύετε χλοηρᾶ

Σμίλακι καὶ κισσῷ.

Καὶ κατὰ βακχῶθε δρυὸς,

Ἡ ἐλάτης, κλάδοισι.

O Semeles altrices Thebae,

Coronemini hederâ.

Cingite, cingite virenti

Smilaci fructiferâ,

Atque bacchamini quercus,

Sive abietis, cinctæ ramis.

Usus adifica-
tionis.

Usurpata autem abies ab antiquis est ad
ædificationem, unde Virg. lib. II. Æncid.

Instar montis equum divinâ Palladis arte

Ædificant, sectâque intexunt abiete costas.

Propertius lib. III.

Nam quis equo pulsas abiegnosceret arces.

Prætereà usus tabularum ex abiete apud
veteres erat non infrequens in libris con-
servandis: & observare licet apud Martia-
lem lib. XIV. epigr. LXXXIV.

Hæc abies chartis tempora longa dabit.

Plautus, abietem dixit pro tabellis usurpa-
vit, in Persâ, Act. II. Sce. II.

Tabulae erant
ex abiete, quibus
libri servaban-
tur, ne usu at-
triti fierent pi-
loso, aut sordidi.

*At ego hanc ad Lemniselenem, tuam heram,
obsignatam abietem.*

Etiam

Etiam affirmat Plinius, lib. XVI. cap. X. Quod ex Poëtis de ædificatione supra ostendi. *Materies veropræcipua trabibus.* Item lib. C. XL. *Abies admirationis præcipua visa est in navi, quæ ex Aegypto Caji Principis jussu, &c.* Item lib. XVI. C. XLII. *Firmissima ad tectum abies.* Eadem valvarum repagulis, & ad quæcunque libeat intestina opera aptissima, sive Græco, sive Campano, sive Siculo, fabricæ artis spectabilis, ramentorum crinibus, pampinato semper orbe se volvens ad incitatos, runcinarum raptus. Eadem & curribus maximè sociabilis glutino, in tantum, ut findatur ante, quam solida est. Claudianus de raptu Proserpinæ: lib. II. *Apta fretis abies.* Hæc, ut ait Plinius, *expetita navigiis arbor est: & in excelsis montium ceu maria fugerit, sita.* Papin. Theb. VI. *Hinc audax abies.* id est, quæ mare conscendit. In Aegypto, ac Syria, reges, inopiâ abietis, cedro ad classes fuerunt usi. Scribit Plinius ad hæc lib. VI. cap. XXXIX. *Abies præcipua dos crispantibus, & in torto quodam discursu venarum pretiosis.* Abies metonymicè pro re facta ex abiete. Virg. lib. VIII. *Æneid.*

Labitur uncta vadis abies.

Id est, navis abiegna. Sic *Æneid.* lib. II.

— *cujus apertum*

Adversi longâ transverberat abiete pectus.

Id est, hastâ abiectali. ut Servius exponit.

*De Quercu.**Consecratio.*

Quercus sacra est Baccho, & Cereri. constat ex variis authoribus, quod in Cerealibus quercu coronabantur, ob beneficii ab illa Deâ accepti sempiternam memoriam: Virgilius lib. I. Georgicorum:

— neque ante

*Falcem maturis quisquam supponat aristis,
Quã Cereri torta redimitus tempora quercu
Det motus incompressos, & carmina dicat.*

Neque Baccho tantum, & Cereri, sed & Iovi, ac Rheæ, sacra existimata fuit. Et Iupiter quidem, interdum coronabatur quercu, aut olea: Phurnutus ait, *σέφεϊ ὃ ἐλαία, ἀλλὰ τὸ ἀσθαλές, ἐλιπαρὸν, καὶ πολὺ-χρηστὸν. Ἡ δὲ ἀλλὰ τὴν ἐμφέρσαν τῆς περὶ τὸν σέθενὸν γλαυκότητος.* Caput ejus oleaginea corona redimiri. Causa autem est, quod hac arbor semper in virore sit, suamque pinguedinem teneat, & quod olei usus sit ubique plurimus. Rheæ vero, etiam sacrata fuit; ut testis est Apollodorus lib. III. de Diis. Araque ejus frondibus ornabatur, ut testatur Apollonius Argonaut. lib. I.

Βωμὸν δὲ αὖ χερὰ δὲ παρενλύεον ἀμφὶ ὃ φύλλοις.

Στεφάμβροι δρυῖνοισι θυηπολίας ἐμέλοντο.

Μητέρε

Μητέρα Δινδυμίω πολυπότνιαν ἔγκα-
λέοντες,

Εὔναῒην Φρυγίης· Τίτῳ θ' ἄμα κυκλιών τε.

Οἱ μῆνοι πολέων μοιρηγέῃ, ἢ ᾗ πάρεδροι

Μητέροῦ· Ἰδαίης κεκλήαῃ, ὅσσοι ἔασι

Δάκτυλοι Ἰδαῖοι κρητῶές· ἕς ποτε νύμφη

Ἀνχιάλῃ Δικταῖον ἀνὰ πᾶσι· ἄμφοτέρησι

Δρεξαμένη γαίης Οἰαζὶ ἐβλάστησε.

*Accumulant aræ lapides, quam frondibus or-
nant*

*Quernis, & sacris onerantes lancibus aram,
Dindymeam matrem placida mox voce vo-
carunt,*

Incola quæ Phrygiæ est: Cyllenumq; Titiamq;

Qui soli fatis urbes, qui regna gubernant,

Matris & Ideæ comites dicuntur, & iidem

Dactyli Idæi cretes: quos Nympha creavit

Anchiale terram stringens Oeacidis agri

Ambabus manibus Dictæo proxima colli.

Iam satis dictum existimo de consecra-
tione; quare jam coronam quernam; & *Coronarum
varia genera.*
quam varia ejus genera sint, explicabo:
ac postremò de quercus in trophæis usu
aliquid addam. Cæsar in urbis Mitylenes
expugnatione meruit coronam civicam:
quam civis civi, à quo servatus esset in
prælio, testem vitæ, salutisque perceptæ,
dabat. Ea fiebat è fronde quernâ; quo-
niam victus, cibisque antiquissimus ex
quercu capi solitus sit. Fiebat etiam ex

ilice, quæ & ipsa arbor glandifera est: unde Cæcilius poëta comicus coronam civicam appellavit Iligneam.

*Advehuntur, inquit, cum iligneâ corona
& chlamyde.*

Di vostram fidem!

Hæc corona Lucius Gellius censuit donandum esse Ciceronem, quod ejus opera esset atrocissima Catilinæ conjuratio detecta, vindicataque; atque ita non civis unus, sed universa Romana civitas, servata: meritoque ut ait ille:

Roma patrem patriæ Ciceronem libera dixit. De hac corona civica ita scribit Plinius, lib. xvi. cap. iv. Civica iligna primò fuit, postea magis placuit ex esculo, Iovi sacra. Variatumque & cum quercu est, ac data ubique, quæ fuerat custodito tantum honore glandis. Additæ sunt leges arctæ, & ideo superba, quasque conferre libeat cum illa Græcorum summa quæ sub Iove datur, cuique muros patria gaudens rumpit: Civem servare, hostem occidere: utque eum locum, in quo sit actum, hostis obtineat eo die: utque servatus fateatur: alias testes nil prosunt: ut civis fuerit. Auxilia quamvis regis servato, decus id non dant: Nec crescit honos idem Imperatore conseruato, quoniam conditores in quocunque cive summum esse voluere. Accepta corona civica licet uti perpetuo. Ludos ineunti semper assurgit etiam ab Senatu, in more est.

Sedendi

*Sedendi jus in proximo Senatui. Vacatio munerum omnium ipsi, patrique & avo paterno. Plutarchus, in Problematis, & in Coriolano, ideo existimat hanc coronam dono datam ei, qui Romanum civem servasset in prælio, quoniam Iovi sacra quercus sit, in cujus tutelâ sunt civitates; & quia ex quercu antiquitus cibariæ erant glandes: & facile militi fructum quercus exhibeat. Verba Plutarchi in Coriolano: *Marcus strenuè dimicans, in conspectu Dictatoris militem Romanum, qui propè eum fusus humi erat, non deseruit, sed protexit, inferentemque se repulit & interfecit hostem. Itaque victoriâ dux potitus, illum inter primos coronâ quercinâ donavit. Hæc enim ei qui servavit civem de more datur: sive quercum potissimum in honore habuerint causâ Arcadum, qui glandivori sunt ab Oraculo appellati, sive quod facilis ubique sit ducibus hujus copia arboris, sive sacram Iovi urbium præsidi coronam quercinam rite dari servato cive censuerint. Est etiam Olympia corona, quæ vocatur quercus Capitolina: illam merebant poëtæ ii, qui in agonibus Capitolinis poemate vicerant. Ii agones Capitolini primum à Domitiano instituti sunt die x i i. ejus, & Sergii Cornelii Dolabellæ, consulatus, exemplo Ludorum Olympicorum. In iis agonibus omne genus artifices certabant: etiam Citharædi.**

Juvenalis: A 4 An

*An capitolinam deberet Pollio quercum
Sperare.*

Item Martialis, lib. iv. cap. LIV.

O cui Tarpeias licuit contingere quercus.

Trophæum.

His verbis addam, ut antea promisi de trophæis aliquid, nam in iis etiam præcipuè quercubus utebantur, etenim illæ Iovi dicatæ erant. Virg. de his trophæis. Æneid. XI.

*Ingentem quercum decisis undique ramis
Constituit tumulo, fulgentiaque induit arma
Mezenti ducis exuvias, tibi magne trophæum
Bellipotens: aptat rorantes sanguine cristas,
Telaque trunca viri, & bis sex thoraca peti-
tutum*

*Perfossūq; locis, clypeūq; ex ære, sinistræ
Subligat, atque ensem collo suspendit eburnū.*

Papin. II. Thebaidos.

*Quercus erat tenera jam longum oblita ju-
ventæ,*

*Aggere camporum medio, quam pluribus
ambit*

*Frondebis incurvis, & curvo robore cortex:
Huic læves galeas, perfossaque vulnere crebro
Inferit arma ferens, huic truncos ictibus enses
Subligat, & fractas membris spirantibus
hastas.*

CAP. III.

De Fago.

FAgus, Iovi sacra erat. Vnde etiam Fa- *Consecratio.*
 gutal, sacellum Iovis, cognomento
 Fagutalis. Varro De L. L. lib. IV. *Fagutal*,
 à fago: Vnde etiam quod ibi sacellum, Iovis Fa-
 gutalis. Plin. lib. XVI. cap. X. *Fagutali*, Iovi
 etiam nunc, ubi lucus fageus fuit. Festus: Fa-
 gutal, sacellum Iovis, in quo fuit fagus arbor,
 quæ Iovi sacra habebatur. Omnibus notus
 est usus fagi, & posse fere ad omnia usur-
 pari manifestum. De mensa, ait Martia-
 lis, lib. II. Epigrammate XLIII.

Fulcitur testa fagina mensa mihi.

usu.

CAP. IV.

De Lauro.

Nicander Ætolus, in Alexipharmacis, *Consecratio.*
 scriptum reliquit, Æmonia pri-
 mum apud Tempe laurum fuisse inven-
 tam:

Πολλάκι δ' ἢ οἴνης ἀμυγῇ πόσιν, ἢ ὑπὸ
 δάφνης

Τεμπίδῳ, ἢ δαύκτιο φέροις ἐν καυλίῳ
 κέψας.

Vel purum vitis potum fer, vel dato lauri

Thessalæ, vel dauci caulem cadens.

Est autem sacra Apollini; quod testatur
 Virgilius Ecloga VII.

Populus Alcide gratissima, vitis Iaccho,

Formosæ Veneri myrtus : sua Laurea Phæbo.

Dicitur Laurus Apollini sacra, non solum quia fabula extat, quod Ladonis filia, quam amore Apollo prosequeretur, in illam arborem transmutata sit, ut testis est Ovidius lib. 1. Metamorph.

— *At quoniam conjux mea non potes esse,
Arbor eris certe, dixit, mea: semper habebunt
Te coma, te citharæ, te nostræ, Laure, pharetræ.*

Insigne Apollini Laurus.

Notum illud est, Laurum Apollinis insigne perhiberi, ejusque fronde, palma jam posthabita, ejus simulachra coronari. Et non propter ea tantum, quod Laurus in rostro palumbi vim medicinalem indicet, quæ plerisque volucris præsentaneum præbet remedium, quantum quia sit, ut Eusebius ait, ignea, ideoque dæmonibus infesta est. Quando uritur sonum reddat, quod quandam prædicendi vim habet. Ignispicium enim non tantum splendore, verum etiam crepitu portendit, frequentissimo Poëtarum omnium assensu. Ferunt verò Empedoclem, qui animam esse igneam statuebat, lauri naturâ consideratâ, dicere solitum, si homini sit in animalium quodpiam transmigrandum, optandum maxime, ut in Leonem transiret: Commodissimum enim

Leo & homo.

enim id animæ, quæ hominem incoluisset, hospitium futurum; sin verò arbor esset subeunda, in nullam commodius, quàm in laurum, fieri transmigrationem. Pindarus, atque Callimachus, Apollinem memorant, interfecto Delphico dracone, Lauream induisse, quasi supplicem: erant enim supplices coronati apud veteres. Aristophanes, dominum, & servum, oracula consulturos, coronatos inducit in Pluto. Quin & Liber lauro coronabatur, in qua ex Indis triumphasse fertur, diesque in illum solennes, magna olim corona dicebatur, ut tradit Tertullianus lib. De corona militis. *Sed & aliàs Liberum principem coronæ, planè laureæ, in qua ex Indis triumphavit, etiam vulgus agnoscit, cum dies in illum solennes magnam coronam appellant.* Laureæ itaque Apollini, & Baccho, sacra; illi, ut Deo telorum, huic ut Deo triumphorum. Est & alia ratio, cur laurus Apollini sacra dicatur: tradunt enim veteres, lauro ad dormientium caput depositâ, vera videri somnia. Id ipsum Antiphonem, Philochorum, & Artemonem, qui de Onirocritica scripserunt, retulerunt. Neq; quidem Eustathii interpretamentum super hoc parvi fecerimus, qui Daphnen ideo dictam ait, quod δα intensiois particula, & φωνεῖν, quod

Eustathii interpretamentum.

quod loqui & canere est, in compositionem accedant. Apud Hesiodum interpret Theogoniae, laurum ait ἐνεργεῖν θεῶς τὸ ἐνθουσιασμός. Hinc vaticinantes lauro coronari solitos, docet interpret Aristophanis. Et qui bella sequebantur vates, in summa galea lauri conum gestabant.

Usus triumphantium.

Esse vero laurum insigne triumphantium, non ex eo tantum quod apud Ovid. legitur:

*Tu ducibus letis aderis, cum lata triumphum
Vox canet, & longas visent Capitolia pompas.*

Jupiter Capitolinus.

Sed etiam ex multis veterum monumentis innotescit. Illud quoque satis constat, Imperatores triumphi lauream ad Iovem Capitolinum ferre, atque eam in ejus gremio relinquere solitos. Julius Obsequens: *Cum in agro Pistoriensi Antonius Catilinam devicisset, Laureatos fasces in provinciam tulit. Ibi à Darnanis oppressus, amisso exercitu profugit. Apparuit eum hostibus portendisse victoriam, cum ad eos laurum victricem attulerit, quam in Capitolio debuerat deponere.*

Fasces Imperatorum.

Plinius lib. xv. cap. xxx. *Fasces Imperatorum (laurus) decorat. Ex his in gremio Iovis Opt. Max. deponitur, quoties letitiam nova victoria attulit.* Ovidius.

*Auctorisque sui perfertur imagine mœsta,
Quæ victrix templis debita laurus erat.*

Eadem

Eadem ratione Cæsarum domibus perpetuò laurus affixa, insigne gerebat triumphantis magistratus. Ovidius lib. I. Metam. in fabula Daphnes, à Phæbo adamatæ:

*Postibus Augustis eadem fidiſſima cuſtos
Ante fores ſtabit.*

Laureata vero Imperatorum capita in numis paſſim habentur. Atque hic non incongruum fuerit ea, quæ de laureto, unde triumphaturi laureas ſibi decerpere conſueverant, memoriæ prodita ſunt, repetere. Liviam quippe olim poſt Auguſti ſtatim nuptias Vejentanum ſuum reviſſe, ibique tum illi Gallinam albam, quæ ramulum lauri roſtro tenebat, à prætervolante aquila, quæ illam rapuerat, in gremium demiſſam, cumque nutrici alitem, pangique ramulum placuiſſet, tantam pullorum ſobolem proveniſſe, ut Tranquillus ad ſua uſque tempora villam eam, *Ad Gallinas*, vocitatam atteſtetur. Tale vero lauretum fuit, ut triumphaturi Cæſares inde laureas boni ominis gratia decerperent. Fuitque mos triumphantibus, alias confeſtim eodem loco pangere. Adeo vero laurus triumphantium propria fuiſſe videtur, ut obſervatum ſit in huiusmodi laureto ſub cuiuſque obitum arborem ab ipſo inſtitutam elanguiſſe,

*Inſigne laurus
domibus affi-
xa trium-
phantis magi-
ſtratus*

Gallina alba.

*Villa ad Galli-
nas.*

*Avis regalio-
lus.**Curia Pom-
peiana.**Indicium
mòrtis.*

guisse. Ex quo etiam prodigii causam intelligas, quod Iulii Cæsaris cædem præmonstravit, cum pridie idus Martias avis regaliolus laureo ramulo Pompeianæ Curiae sese inferens, à varii generis volucribus, ex proximo nemore persequentibus, ibidem discerpta est. Novissimo vero Neronis anno, in quo Cæsarum progenies defecit, sylva illa Vejentana radicitus omnis exaruit, & quicquid ibi gallinarum erat, interiit. Tali portento fuit Alexandro Severo Laurus alia ingens, & antiqua, quæ in palatio cujusdam civitatis, à qua proficiscebatur ad bellum, quod contra Germanos paraverat, subito collapsa, mortis itidem ejus indicium habita. Contra non temerè boni ominis lauri folia, quæ circa Pompeii fasces illigata fuerant, cum longo itinere per arida & inculta loca jam exaruiscent, eo tempore quo in vico quodam Galatiæ cum Lucullo in colloquium descendit, detracta, & à Lucullianis licetoribus recentia, & viridia, quæ penes eos plurima erant, libenter suffecta: quod summam gloriæ rerum à Lucullo gestarum Pompeium transiturum interpretatum est, ut paulo post subsecutum. Et Romæ lamentabunda Luculli vox audita, *Pompeius res meas in Asia elevavit.*

Vox Luculli.

Quan-

Quantum ad aruspiciam pertinet, laurus victoriam aliquando præmonstravit, ut ea quæ in domo Alexandri Severi jam infantuli nata juxta Persicum arborem, intra unum annum Persicum ipsam incremento mirabili superavit: Vnde *Vaticinium.* Aruspices futurum prædixere, ut puer is olim Persas vinceret, quod eventu postea comprobatum est: sub eo enim primo Persæ servi apud Romanos fuere. Quare apud Virgilium ex eâ desumptum doctrinâ legas de victore:

— *Viridique advelat tempora lauro.*

Notum illud est, solitos esse Imperatores Romanos, re bene gestâ literas lauro re- *Laureata littera.* vinctas mittere, victoriarum & lætitiæ nuncios, quæ *laureata* dicebantur, quod in Epistolis ad Atticum, & alibi, testatur Cicero. Hinc Ovidius:

Non ego victrices lauro redimire tabellas,

Nec Veneris media ponere in æde morer.

Apud Ammium Marcellinum, ubi de varietate Constantii loquitur, suorum ducum victorias sibi adsciscentis, laureatas literas missitatas invenies. Quare Plinius lib. xv. cap. xxx. *Laurus Romanis præcipue lætitiæ victoriarumque nuncia, additur literis, & militum lanceis, pilisque.* Vnde legere est in Pompeii gestis, cum is in Arcadia equestre certamen ageret, ludi gratiâ

*Tabellarii ex
Ponto.*

gratiâ, advenisse tabellarios ex Ponto, gestantes jaculorum cuspides lauro coronatas: ex quo læta nunciare, antequam literas redderent, cogniti sunt: Mithridatem enim sibi mortem conscivisse nunciaturi venerant. Victores Delphis Pythiis certaminibus eâ peculialiter lauro coronabatur, quæ Delphica nominabatur, cujuscmodi genere & triumphantes Romæ: ea enim longe viridior est, maximis baccis, atque ex viridi rubescentibus: Vnde non nulli commentati sunt, in quatuor certaminum præmiis, quæ recensentur ab Archia, per malum grandiores has Pythiæ laurus baccas intelligi: de quo apud Lucianum videas de pomis in templo Apollinis decerptis. Et si autem, ut ante dictum, laurea corona præmium victori data fuit: non tamen semper idem præmium mansit. Apollo enim initio esculo; post lauro victores coronavit. Hinc Ovidius lib. 1. Metam. de Pythiis, ita:

*Poma decerpta
in Apollinis
templo.*

*Neve operis (Pythonis interempti) famã
posset delere vetustas;*

*Instituit sacros celebri certamine ludos,
Pythia perdomita serpentis nomine dictos.*

*Hinc juvenum quicumque manu, pedibusve,
rotave*

Vicerat, esculeæ capiebat frondis honorem.

Non-

*Nondum Laurus erat: longoque decentia crine
Tempora cingebat de qualibet arbore Phœ-
bus.*

Erat enim antiqua consuetudo, jam tum à Thesei temporibus è Creta reducis in-
cepta, ubi ludos Deli instituit, ut victo-
res palmâ coronarentur. Mox, colonis
mutatis, mansit tamen consuetudo, ut
omnes victores, ubicunque essent, pal-
mam manibus gestarent, ut ait Pausanias
in Arcadicis. At corona laurea propria
fuit Delphicorum præmiorum, idque
cum ob perpetuum vigorem, tum quia
arbor ipsa Apollini sit dicata. Fuerunt
qui dicerent hos ludos non ob serpen-
tem ab Apolline cæsum, institutos fuisse,
sed ob incolam quendam Pythum (sic
enim nominabant Delphos antiqui) ab
Apolline confixum sagittis, qui ibi exta-
buit. Atque per id tempus ita nomina-
bantur ea quæ corrumperentur, ut in
Phocicis inquit Pausanias. Scriptum reli-
quit Ephorus, quo quidem tempore A-
pollo in terras devenit, homines Sylve-
stribus fructibus viventes ac ferarum
more, mansuevisse: atque id contigisse
in Delphis primum, mox ad Panopeam
urbem profectum, crudelissimum, &
violentum tyrannum, Titium interemis-
se, audisseque è Parnassiiis hominibus,

*Antiqua con-
suetudo à The-
seo.*

*Serpentem A-
pollo interficit.*

*Pythus ab A-
polline confici-
tur sagittis.*

Titius.

*Pytho sive
Draco.*

alium esse tyrannum, non minus hominibus infestum, Pythonem nomine, atque cognomine draconem, quem & ipsum sagittis Apollo confecit. Atque inter pugnandum cum Io Pæan clamitatum esset, mansit postea consuetudo, ut in Pæanibus, & in epiniciis, & in omni lætitia aliqujus victoriæ, conclamaretur, ut est illud Ovid. in secundo de Arte:

Dicite Io Pæan, & Io bis dicite Pæan:

Decidit in casses prada petita meos.

Iam satis longâ digressionem usus sum: quare nunc ad vaticinium revertar. Laurum Apollini vaticino deo sacrum, futurorum habere præsentionem quandam, creditum vulgo est. Siquidem nil crepantiùs uritur, sicuti à Lucretio lib. vi. proditum quoque novimus, istis verbis:

*Nec res ulla magis, quam Phœbi Delphica
laurus,*

*Terribili sonitu flammâ crepitante crema-
tur.*

Nam & hinc Daphne dici videtur, velut Eustathius interpretatur; etenim δά intentionis vim habet, Φωνεῖν verò loqui est, ac canere, quod antea etiam dixi. Igitur eventus rerum ex crepantis modo veteres aucupabantur: quod nec Porphyrium latuit: nam si crepuisset abundè, ac sonantius, haud dubie portendi feli-

*Pæan, hym-
nus erat in
laudem Apol-
linis. interfecto
enim Pythone,
Apollo & car-
minibus lau-
datus fertur,
quæ Pæanas
dixerunt.
παρρησιας.*

felicitatem rebantur. Quod significat illo *Felicitas ex sono.*
 versiculo Tibullus lib. II. eleg. v.

Laurus ubi bona signa dedit, gaudete coloni.
 E diverso, si tacita deflagrasset, inauspicatissimum infelicissimumque arbitrabantur: Quod approbat etiam Propertius, lib. II. eleg. XXVIII.

Et tacet extincto laurus adusta foco.

Nam & Claudianus, *venturi præsciam laurum dixit*: nisi quod opinantur plerique, *Lib. 2 de raptu Proserpina.*

lauri folia, si noctu pulvillo subjiciantur, veritatem somniorum conciliare. Quod *Mythologia lib. 1.*

Fulgentius non omisit. Scribit Hesiodi Theogoniæ interpres, laurum ἐνεργεῖν πρὸς τὸ ἐνθουσιασµὸς, id est, efficacis esse auxilii in numinum afflatu: propterea Lycophron, δαφνηφάγων φοίβαζεν ἐν λαίµων ὄπα. Hinc aperitur Tibulli locus de Sibylla, lib. II. eleg. VI.

Vera cano, sic usque sacras innoxia laurus

Vescar, & æternum sit mihi virginitas.

Ex hoc & Latinus poeta item dixit, *laurumque momordit*. Certe δαφνηφάγος dici vaticinantes scimus. Et Aphthonius πρῶτον. divinationis symbolum esse laurum testatur, eâque de causâ Apollini dicata, ut patet ex Theocriti epigrammate primo,

At nigris foliis lauri tibi, ô Pythie Apollo.

Et Ovid. Metamorph. lib. I. Constanti-

nus γεωπονικῶν libro XI. Καὶ τὸ μὲν δένδρον
 ὑπὸ τῷ παρθένῳ δάφνῃ ὠνόμασεν ὁμωνύμως.
 λαβὼν ἢ ὑπὸ τῷ Φύλῳ πτόρθον, ἐσεφανώσατο,
 καὶ μαντικῆς ἐκίστε σύμβολον ἐχέοντο τὸ Φυτόν.

*Gustatio lauri
 efficax.*

Hesiodus cum gustasset laurum, factus
 est Poëta, & præteritorum futurorum-
 que cognitionem accepit, ut ipse cecinit
 in Theogonia, his verbis:

Καί μοι σκῆπτρον ἔδωκε δάφνης ἐριθηλέος ὄζον
 Δρέψαθ' ἱητόν· ἐνέπιδυσαν δέ μοι αὐδὲν
 Θείῳ, ὥστε κλύοιμι τὰ τ' ἐσόμενα περὶ τ'
 ἔοντα.

Dionysius item in Panegyricorum ratio-
 ne, laurum μαντικὸν Φυτόν appellat, id
 est, varidicam arborem: sicuti Eustathius
 quoque, qui & Apollinis corollam fuisse
 lauream scribit, quam secum tulerit
 Chryses, in Græcorum exercitum ve-
 niens. Lycophronis interpretes in Alexan-
 driâ, putat omnia fabulosè narrari, nisi
 quod Chresmologi, & vates, futura præ-
 cinebant, lauro coronati, ut quæ vireat
 semper, ac sit alexicaca. Vorare autem
 laurum inde dicuntur, quoniam ferè vi-
 ctum & vitæ sustentationem habeant,
 divinationum capturis. Quibus verò co-
 gerentur numina vel recedere vel acce-
 dere, illis versibus, à Porphyrio apposis
 commonemur, qui fermè talem sensum
 latinè habent:

*Propter vitam
 divinare.*

Solvite ferta, pedes liquidis & spargite lymphis,

Eque manu ramum, lauros auferte virentes,

Linea sitq³ omnis deleta, omnisque character.

Porro ad laurum etiam attinet, ut sciamus, Daphnen puellam in arborem hanc transformatam, sicut Mythicis placet, & Ovidius dixit, à Spartanis summis honoribus fuisse affectam: sed mutato nomine, Pasiphaën nuncupatam, à quâ certissima ederentur oracula, quod in Agide Plutarchus scribit. Fuit *Pasiphaes sanum & oraculum* Thalamis cultum, quam nonnulli unam Atlantidum Iove natarum fuisse perhibent, Ammonis matrem: alii Casandram Priami filiam ibi mortuam, & quod omnibus efferret (græce id *pâsiphanein* dicitur) oracula, *Pasiphaam* cognominatam. Credebatur item laurus efficax adversus venenum. Inde jactatum, ut qui se tutum approbare vellet, *δαφνίῳ* diceret *φορῶν βακτηρίαν*, id est laureum gesto baculum.

Pasiphae.

Contra venenum laurus valet, & uno verbo antidotum est.

Laurum quoque gestabant in festo Apollinis natalitio Athenienses, quod *ἑδόμεν* dicebatur. ut explicatè videre est apud Patrem meum Joannem Meursium, lib. III. de festis Græcorum.

De Palma.

Palma ab Apolline processit, ut Libanius testatur, cuius hæc verba: Φοίνιξ θεῶν ἄλλων Ἀ' πόλεων. Ideo etiam Musis, Apollo quarum præses, sacra putatur.

*Julianus Imp.
Orat. V.*

Sed Palmæ dactylos ideo fortasse quispiam interdīctos existimat, quod in Phrygia, ubi ritus primum illi editi sunt, nullæ proveniant. At ego propterea, quod sacra Soli illa arbor sit, & senectutis expers, ad alenda corpora crediderim in Casto non placuisse consumi. Secundum hæc nullo piscium genere vesci conceditur. Sed hæc nobis cum Egyptiis communis est quæstio. Ac duabus quidem de causis jure mihi quispiam vel perpetuo abstinere videtur. Prima, quòd, quæ Diis minime sacrificamus, ea in cibum adhiberi nequaquam deceat.

Soli consecrata palma.

Signum victoria.

Palmam arborem nobilem, & victoriæ signum esse lib. i. carmin. Oda. i. Horatius testatur.

— *Palmaque nobilis*

Terrarum dominos evehit ad Deos.

Et etiam, quia ponderi non cedit, sed adversus pondus assurgit, insigne victoriæ esse placuit; non solum, quia semper vireat, (hoc est sibi cum multis aliis commune) sed maxime, quia hæc arbor nullo pondere gravari potest, quin surgat, & se

se elevet. Quam ob rem victoribus traditur, quòd non cesserint, sed pertinaces in bello perstiterint. Sed quare hæc arbor potissimum delecta sit ad eum usum ab antiquis, A. Gellius causam reddit, lib. Noct. Att. III. cap. VII. scribens, arbori Palmæ peculiare quiddam inesse, quod cum ingenio fortium virorum conveniat. Per hercule rem mirandam Aristoteles, in septimo problematum, & Plutarchus, in octavo symposiacorum, dicit. Et Plutarchi quidem verba super hæc reperi in eo, quæ Gellius citat libro :

Φοίνικῳ ὃ ξύλον, αὐτὸ ἀνίστην ὀπίσθις βαρυπέζης, ἔκ κἀκεῖ θλιβόμενον ἐνδίδωσιν, ἀλλὰ κυρτῆται πρὸς τὸναντίον, ὥσπερ ἀντιστήμονον τῷ βιαζομένῳ. Ταυτὸ δὴ καὶ πρὸς τὸ ἀθλητικὸς ἀγῶνας ἐστὶ, σὺ μὲν ἐπὶ ἀσθενείας καὶ μαλακίας εἶχοντες αὐτοῖς πιέζουσι κάμπιοντες, οἱ δὲ ἐρρωμένως ὑπομένοντες πρὸς ἀσκήσιν, ἔκ μόνον τοῖς σώμασιν, ἀλλὰ καὶ τοῖς φρονήμασιν ἐπάρουσι καὶ αὐξάνουσι, id est,

nam palmæ lignum, si superimposito pondere Natura palmæ. graviter premas haud deflectitur deorsum, verum in contrarium curvatur: perinde quasi resistens oneri vim facienti. Hoc ipsum sanè accidit & in certaminibus athletarum. Etenim qui per imbecillitatem animique molliciem cedit illis eos premendo deflectunt. At qui fortiter in eo studio perdurant, hi non modo corporis robore,

verum etiam animi prudentiâ provehuntur atque augentur. Vnde etiam ponitur pro signo victoriæ, aut pro ipsa victoriâ.

Virg. Æneid. lib. v.

— Meritaque expectant præmia palmæ.

Vfus apud victores.

Ore favete omnes, & tempora cingite ramis.

Palma quoque dicitur causa certaminis; ut annotat Donatus in illud Terentii ex Prologo Phormionis.

— In medio omnibus

Palmam esse positam, qui artem tractant musicam.

Et Palma inter arbores valida: in diversum enim curvatur. At Populus contra omnia inferiora pandatur: palma è contrario fornicatur. Idem affirmat Theophrastus, lib. De plantis v. cap. viii. *Palma prævalida est, & in diversum quàm cæteræ incurvatur. Quippe cum reliquæ omnes in inferiora flectantur, palma è contrario fornicatim se flectit.* Hoc virilis animi robur, cum palmæ genuina vi congruens, Virgilius scitè descripsit, cum ait:

*Tu ne cede malis, sed contra audentior ito,
Quam tua te fortuna sinet.*

Nec abhorret hinc Horatianum illud: lib. iv. oda v.

*Duris ut Ilex tonsa bipennibus
Nigra feraci frondis in Algido*

Per damna , per cades, ab ipso

Ducit opes animumque ferro.

Non hydra, secto corpore firmior,

Vinci dolentem crevit in Herculem,

Monstrumve summisere Colchi

Majus, Echioniave Thebæ.

Merses profundo, pulchrior evenit:

Luctere, multa proruet integrum

Cum laude victorem, geretque

Pralia conjugibus loquenda.

Item, ut docet Servius, in lib. II. *Æneid.*

significat palma togam, quæ etiam toga *Toga palmata*

palmata dicebatur, à palmâ in eâ intextâ:

& propriè triumphantium fuit, quam

merebantur ii, qui de hostibus palmam

reportassent. Pausanias in Phocicis. *At Palma anea*

palnam aneam dicarunt Athenienses cum Mi-

nerve signo inaurato, duplicis victoriæ moni-

mentum, quâ una eademque die potiti sunt ad

Eurymedontem, pedestri acie, & navali pugna,

prosperè in eo ipso flumine commissa. Sed quo-

niam nunc incidimus in sermonem de

palmatâ togâ, frustra non fore persuasi

mihi, etiam cætera togarum, & tunica-

rum genera, animo antiquitatis studium

amanti narrare. Tacitus lib. II. Hist. Ipse

Vitellius à ponte Milvio insigni equo paludatus,

accinctusque senatum & populum ante se agens,

quo minus ut captam urbem ingrederetur, ami-

corum consilio deterritus, sumpta prætecta, &

*Prætexta apud
Hetruscos ori-
ginem inve-
nere.*

composito agmine præcessit. Quibus verbis planum fit, prætextam, saltem temporibus illis, triumphalium non fuisse. Cicero, in oratione pro Cluentio, togam prætextam adnumerat inter ornamenta senatoria, his verbis, Senatorem hoc queri non posse, propterea quod, ea conditione proposita, petere cœpisset: quodque permulta essent ornamenta, quibus eam mitigare molestiam posset, Locus, Auctoritas, Domi splendor, apud exteras nationes nomen, & gratia, toga prætextæ, sella curulis, insignia, fasces, exercitus imperia, provinciae. Quod tamen de senatoribus intelligit, qui magistratum adepti sunt. Trabea verò erat triumphantium, & toga picta. Scribit Plinius, lib. viii. cap. xlviii. Vestes pictas jam apud Homerum fuisse, unde triumphales natae. Certè apud Homerum Helena inducitur, vestem purpuream texens, & in eâ Græcorum Trojanorumque pugnas intexens:

— ἢ ᾗ μέγαν ἰσὺν ὕφαινε

Δίῳ Πάρι καὶ Περσέϊ, πόλεως, ᾗ ἐνέπασσεν
ἀέθλης,

Τρώων δ' ἰπποδάμων, καὶ Ἀχαιῶν χαλκῶ-
χτῶνων.

Vestis picta.

Pictas verò vestes, ni fallor, ἀνθινὰς appellant, quarum multa mentio apud Athenæum, Strabonem, & alios. Ausonius, Trabea ut in pace consulum, sic in victoria

via ducis triumphantis. Fortasse inde trabeæ consulares dictæ ab Ammiano, quæ tamen palmata quoque dicebatur, credo à victoriâ. Martialis lib. 7. Epigr. 1.

Palmatæque ducem, sed cito, redde togæ.

*Triumphus
Æmilii*

Paulus Æmilius in triumpho quem de rege Perse victo duxit, trabeâ auro pictâ ornatus processit. Plutarchus in Æmilio, ἀνὴρ καὶ δίχα τοσαύτης ἐξουσίας ἀξιοθέατος & ἀλκεργίδας χερσὶ πασον ἀμπερόμηνος. Aufonius, *Palmatam, inquis, tibi misi in qua D. Constantinus parens noster intextus est.* Plinius tamen lib. VIII. videtur pictam & trabeam, ut diversa posuisse. Plutarchus in Romulo, αὐτὸς ὃν περιέκλειοντο μὲν τὸ δόξαι αὐτὸν ἀλκεργίδι κεκοσμημένον. hoc est, ipse verò præsidebat cum optimatibus trabeâ ornatus. Eam fuisse opinionem Plutarchi meæ sententiæ particeps est: Cum Romulum trabeatum fuisse appareat ex Plinio lib. Nat. Hist. IX. cap. XXXIX. *Purpura usum Romæ semper fuisse video, sed Romulo in trabea.* Virg. lib. VII. *Æneidos.*

*Trabeatus Ro-
mulus.*

Ipsæ, Quirinali trabeâ cinctuque Gabino

Insignis, referat stridentia limina consul.

Suetonius in libro de generibus vestium, dicit, tria esse genera trabearum. *Vnum diis consecratum, quod est tantum de purpurâ; aliud regium, quod est purpureum, & habet tamen album aliquid; tertium augurale, de purpurâ*

purâ & cocco mixtum. Hoc loco omittere nolui, quin narrarem quod de togâ pictâ scripsit Festus Pompejus. Picta quæ nunc toga dicitur, antea purpura vocitata est, eratque sine pictura. Ejus rei argumentum est, pictura in æde Vertumni, & Consi. Quarum in altera M. Fulvius Flaccus, in altera L. Papirius Cursor triumphantes ita picti sunt. Quæ verò haberent triumphantes ornamenta, quorum frequens mentio apud Tacitum & Plutarchum. Livius in x. secundi belli Punici docet, his verbis: Ibi Masinissam primum regem appellatum, eximiisque ornatum laudibus, aureâ coronâ, aureâ paterâ, sellâ curuli eburneâ, & Scipione eburneo, togâ pictâ, & palmatâ tunicâ, donat. Addit verbis honorem, neque magnificentius quicquam triumpho apud Romanos, neque triumphantibus ampliorem eo ornatu esse. Quibus verbis ni fallor, annumerantur ea, quibus ornabantur triumphantes. His ipsis verbis etiam palam fit, quæ sint illa antiqua patrum munera, quarum meminit Tacitus libro iv Annal. Missus est e Senatoribus qui Scipionem eburneum, togam pictam, antiqua patrum munera daret, regemque & socium atque amicum appellaret. Togam pictam Livius lib xxxi. purpuream appellat; Dona ampla data, quæ ferrent regi, vasa aurea, argenteaque, toga purpurea, & toga prætexta.

Quare

Tacitus Annal. lib. iv.

Quare falluntur, qui togam prætextam pro purpurea sumpserunt. Cicero in M. Antonium Philippicâ secundâ: *Sedebat in rostris collega tuus, amictus togâ purpureâ, in sella aurea, coronatus: ascendis, accedis ad sellam.* Plutarchus in Antonio, hanc vestem purpuream, vestem triumphalem vocat. Καῖσαρ ὃ κενοςμημύθη ἐσθῆτι θαλασσικῇ ἐκαθήμενος ὑπὲρ βήμας ἐν ἀγορᾷ τοῦ Διὸς θεὸν ἔειπεν. Quin & his Livii verbis adducor, ut credam vestem illam, quam sacri Evangelii scriptores purpuream, & purpuram dixerunt, fuisse togam purpuream, quæ & picta dicebatur, in Servatoris nostri ludibrium scilicet, tanquam à S. P. Q. R. missam illi, qui se regem Iudæorum diceret, ut mentiebantur Iudæi. Trabearum tria sunt genera, ut scribit Suetonius. Quorum autem mentio antea facta. In funebri pompâ utebantur & equites trabeâ, si Tacito credimus, qui in libro III. de funere Germanici sic ait: *Igitur tribunorum centurionumque humeris cineres portabantur, præcedebant incompta signa, versi fasces: atque ubi colonias transgrederentur, atrata plebes, trabeati equites, pro opibus loci, vestem, odores, aliaque funerum solemnities cremabant.* Et sanè fuit tempus quum trabeæ essent equitum, ut conjectare licet ex Martiale, lib. V. epigr.

*Theatra loqueris, & gradus, & edicta,
Trabeasque & idus, fibulasque, censusque
Et pumicata pauperes manu monstras.
Sedere in equitum liceat an tibi scamnis,
Videbo Dindyme, non licet maritorum.*

Porro de Palma.

EX sacris Ægyptiorum literis Palmæ significata plurima traduntur, quorum præcipuè quatuor ex gravissimis authoribus seligere visum est: quippe annum, mensem, justitiam sive æqualitatem, atque victoriam significabat: quorum significatum causæ diligentius examinandæ sunt. Reliqua, utpote manifestiora, spontè, nullâ sollicitatâ curâ, provenient.

I.

*Cur annum &
mensem Pal-
ma significet.*

Causæ verò, cuius annum Palma significet, tres esse perhibentur, eaque omnium prima: quod sola omnium arborum, per ortus Lunæ singulos, ramos singulos progenerat. Atque ita etiam significatum mensis totidem adnumerarent. Par itaque ut si annus exprimi debeat, Palma duodecim ramis prædita figuretur. Sed etiam, etiamsi hæc non adfuerit curiositas, annum omninò significabit, vel quantum ad mensem attinet, quod in officulis ejus ea maximè figura expetere-
tur quæ lunata esset, quam contra fasci-
natio-

nationes pollere plurimum arbitrabantur. Lunam autem maximè cavam, qualis est cum octo & viginti dierum numerum explevit, cornibus, scilicet infernè dejectis, mensis indicium esse in cœlestibus. Dianaque ipsa apud Homerum Apollinis hymno, mensis & anni arbitros paritura, Palmam amplexata describitur. Altera causa est, quod Palma, ut Babylonii tradunt, referente Plutarcho, trecentas & sexaginta utilitates mortalibus elargitur, ideoque anni simulachrum & insigne: tot enim diebus annus constat, intercalaribus quinque subductis. Alia ratio est, quod Palmæ fatus quatuor ex lignis, siue ossa ea malueris appellare, quæ, uti paulò ante dictum, in ejus fructibus insunt, fieri solet, quæ bina juxta composita subter, binaque supernè colligantur, pronaque omnia feruntur, quorum inde radices amplexu mutuo connectuntur, atque ita primi ortus promiscui coalescunt, & unus ex cunctis caudex conficitur.

Babylonii decantant palmam, quod, ipsis cccclx. utilitatum genera præbeat. Plinius lib. 13. cap. 4.

Non dissimulabo quasi καὶ πάρεργον, quod Quintius Græcus author asperum quendam locum, & admodum editum, superatuque perdifficilem ponit, in cujus vertice Palma consurgat, cujus in cacumine insideat virtus; ex montis utique asperi-

II.
Cur temporaria diuturnitas

asperitate labores varios, ex Palma temporis, ut Hesiodi interpret ait, diuturnitatem innuens. Non enim putabat quempiam ad perfectam aliquam virtutem pervenire posse, nisi per labores, quos diu tolerasset. Temporis autem diuturnitas quo convenientius signo figuretur, quàm per id, quod anni & mensis habetur hieroglyphicum adeo manifestum? Sententiam hanc ita sibi desumpsit Quintilianus: *Desinit in adversa niti qui pervenit: ad summum scandenti circa ima labor est.* Quod Pierius ita retulit:

*Incipit oppositam pedibus qui repere molem,
Eximio superat grande labore jugum.
Ut tenet aërei placidissima culmina montis,
Languida felici membra quiete levat.
Pastus amaritiem rigida radice acerbam,
Molliculi glutit, dulcia mella favi.
Hoc Sophiae asperioris iter Superantule pergas,*

Dummodo post fellis pocula nectar habes.

III.
Æqualitatem cur denotet.

Æqualitatem verò ea de causa significabat, quod cum initio Soli dicata fuerit ante Laurum, gravissimi authores asserunt, & Phœbum & victores hac, non aliâ quapiam arbore coronari solitos. Quæ cum æquale esset victorum omnium præmium, æqualitatis inde symbolum assecuta est. Sanè Plutarchus & Pausanias

sanias authores sunt, Palmæ pretium, quæ multis in certaminibus victores æquè coronarentur, à Theseo primum institutum, cum à Creta reversus in Delum applicuisset, & Apollini ludos edidisset. Sive eâ de causâ sit excogitatum, quod arbor ea foliis sit maximè æqualibus, ideoque victoribus conveniret, quod æqua eorum laus atque præmium esset.

Præter hæc incorrupta est Palmæ materies, ac propemodum senii nescia, perinde ac decet incorruptos esse, neque unquam temerè flecti aliorum quorumquam arbitrio, Iustitiæ administratores. Folia demum, nisi vi tollantur, nunquam amittit, quare illam congruenti epitheto αἰφύλλον, atque etiam ἐμπεδόφυλλον appellaverunt, cum & Laurus, & oliva, & Myrtus, ac aliæ quædam, quibus est perennis foliorum viror, succrescentibus aliis priora decutiant. Eademque immobilitas expetitur in Iustitiâ. Quod verò ponderibus resistat, & in adversum incurvetur, facere idem iudices debent, at reluctabundi, seductores, pellacesque omnes detractare, neque mulieribus, neque violentiæ cedere. In hanc sententiam Levitico celebrandis feriis xv. mensis septimi, Palmarum surculos, quos Græci σpathalas à gladii forma vocant, Legisla-

IV.

*Cur Palma
Iustitiæ Sym-
bolum.*

tor fumendos præcipit. Theologi per eos juvenescencia Iustitiæ germina interpretantur. *Iustus enim*, ait Psalmographus, *sicut Palma germinabit*: propterea quòd nihil est in universa Palma, quod respui debeat, ita tota ab intima medulla ad extremum usque folium humanæ necessitatis usibus est commoda, idque multipliciter, perinde ac in iis, qui justè vivunt, nihil reperiās, quod non undecunque utile sit ac commendabile.

V.

*Palma Solis
Hieroglyphi-
cum.*

Neque quidem ea de causa tantum Palma Solis hieroglyphicum est, quòd anni vicissitudines referat, quantum quòd figuram solarium radiorum imitari quodammodò videatur. Vnde sacerdotii veteris authores, qui (ut Proclus ait) à rebus apparentibus superiorum virium cultum adinvenerunt, ab hac similitudine solare quid in Palma esse arbitrati sunt. Et apud L. Apuleium legas, mystico eo facto quo initiabantur Isidi, caput, ad solarium radiorum similitudinem ostendendam, Palmæ candidæ foliis in modum radiorum profistentibus redimitum.

VI.

*Victoriam
significat.*

Victoriæ demùm in Palma significatum, ex numis, picturis, sculpturisque omnibus universæ jam plebeculæ manifestum est. Eaque elocutio toties usurpata

pata Ciceroni: *Docto oratori Palma danda est. In quadrigis qui Palmam primus acceperit. Quam Palmam utinam dii immortales tibi, Scipio, referrent.* & similia. Et causam multi prodidère præcipuè verò Plutarchus Symposiacôn Libro octavo, quam etiam posuerat Arist. nempè si super arboris ejus lignum, magnum quantumlibet pondus imponas, Palma minimè deorsum cedit, nec infrà flectitur, sed adversus pondus refurgit, & sursum nititur in contrarium fornicata. Eaque de causa in certaminibus Palmam signum esse placuit victoriæ, quoniam uti dictum est, ingenium ejusmodi ligno est, ut urgentibus prementibusque non cedat. Videre verò est Palmam caudicibus sursum versus collectis in numo Neroniano, ubi idem ipse aprum impetit veru, victoriæ nimirum, quam de confectâ ferâ consecutus esset, hieroglyphicum. Et felicitis augurii causâ Augustus Palmam inter juncturas lapidum enatum ante domum suam, in compluvium Deorum Penatium transfudit, utque coalesceret magnoperè curavit, Cæsaris factum secutus, qui castris locum capiens, inter sylvas, quas cædebat, repertam Palmam conservari ut omen victoriæ jussit. Adhæc Cæsarinae victoriæ adversus Pompeium in Pharsalia præ-

36 JOANNIS MEYRSI F.
 lio commisso Trallibus Palma ostentum
 dedit, exorta repentè eodem fermè tem-
 pore, quo hæc gesta sunt, penes Cæsari-
 næ statua basin, quæ in templo victoriæ
 dicata erat: quamvis omnis circa statuam
 locus natura solidus, & durissimo lapide
 instratus esset: atque hujus generis osten-
 ta multa apud veteres memorentur. Mi-
 nimè verò prætereundus est numus æreus
 cum ingenti Palma, eaque dactylis fœ-
 cunda, cujus inscriptio est, AL. AE. quæ
 procul dubio victoriam Alexandriæ Æ-
 gyptiacæ significat: quod ut magis expli-
 cetur, ab altera facie spica est cum inscri-
 ptione, ΚΑΙΣΑΡΟΣ.

VII.

*Palma Iudææ
 Hieroglyphi-
 cum.*

DESUMUNTUR hieroglyphica
 plerumque à rebus quas egregiè aliqua
 regio ferat: ut Cyrenaica per Silphium,
 quod in Batti numis cufum videas. A
 palmarum verò feracitate Iudæa ejus
 arboris pictura significatur. Sanè in Ti-
 ti numis passim videre est ejus provin-
 ciæ simulachrum arbori Palmæ adalliga-
 tum, cum inscriptione, JUD. CAP. Vbi
 verò inscriptio est Cæsaris Vespasiani, at-
 que ibidem IUDÆA CAPTA, mœsta
 sedet ipsa manu quasi faciem complo-
 dens, adstat ipse juxta Palmam. In alio
 cumeadem inscriptione signum est, quod
 dextra altè innititur pilo, lævâ sceptrum
 gestat,

gestat, lævumque pedem jacenti galeæ superponit.

Contra verò, vel dejecta, vel casu aliquo vitiata, jacturæ imminentis prodigium habebatur: veluti ænea illa quam Athenienses in Delphici Apollinis templo dedicarant: rei adversus Medos feliciter gestæ monumentum. Paulo antè quàm adversus Syracusanos moverent, infaustæ signum expeditionis fuit: quòd ejus fructus, qui ex auro constabant, Corvi, alites inauspicatæ pluribus diebus impetierunt, eosque partim devorarunt, partim dejecerunt.

VIII.
Iactura signum Palma.

Ne verò & hoc prætereamus, in sacris litteris eo loco ubi, *statua tua similis facta est Palma*, legitur, Ambrosius significari ait viriditatem pueritiæ, atque naturalem ejus innocentiam, quam à vitæ primordio receperimus, servandam esse, & ut fructum nullo foliorum defluvio suo tempore maturemus, admoneri. Idque de Assertore nostro piorum conventus canere, *Iustus ut Palma florebit*. Tarde verò proficit Palma, sed, diu in viriditate persistit, ait Eucherius: ita Ecclesia sancta per multas difficultates ad firmum fidei statum venit, auctaque jam & propagata, statura nimirum diu.

IX.
Innocentia.

Significat & piorum vitam Palmæ X.
Piorum vita.

species : propterea quod sicut interior ejus caudex & tenuis est, & corticum scabritie perplexitateque minimè jucundus : superior verò pars visenda , tum trunci tum ramorum amplitudine, amœnaque pulchritudine viriditatis expanditur , ita piorum conditio prima facie contemptibilis videtur sed in mirificam demum exit morum virtutumq; pulchritudinem. Sed cur non ipsa Eucherii sanctissimi doctissimiq; viri verba subtexam, in hanc sententiam? *Habet quiddam aliud Palma , quo à cunctis arborum generibus differat. Omnis enim arbor quæ in suo robore juxta terram subsistit , crescendo superius angustior evadit, & quantum paulisper sublimior, tantum in altum redditur subtilior.* palma verò tenuis ab imo inchoat , & juxta ramos aut fructus ampliori robore conturgescit. Quibus itaque alia arbuta nisi terrenis mentibus assimulari possunt , inferius vasta, superius angusta ? quia nimirum omnes mortalium in hoc seculo degentium delectationes in terrenis rebus sunt fortes, in cœlestibus debiles. Pro temporali enim gloria usque ad mortem appetunt desudare: pro spe verò perpetua, ne parum quidem in labore subsistunt. Pro terrenis lucris quaslibet injurias tulerant, & pro cœlesti mercede vel tenuissimas

unius

unius verbi contumelias ferre non possunt. Ut terreno iudici totos dies assistant, fortes sunt: in Oratione verò coram Deo vel unius horæ momento lassantur. Sæpè nuditatem, vigilias, famem pro acquirendis divitiis & honoribus tolerant, & multa se abstinencia cruciant: Quod bis, aut semel, in hebdomate pati, pro salute animi, gravissimum ducunt. At contra ex æqualitate Palmarum designantur iusti; qui vita proficiunt, qui nequaquam in terrenis studiis sunt fortes, & in cœlestibus debiles, sed longiùs atque distantiùs studiosos se Deo exhibent, quàm seculo fuisse meminerunt. Rectè itaque, ut supra dictum, *iustus ut Palma florebit*. Illud addam ex sextis Hebræorum castris apud Hieronymum: *Veluti XII. dulcis aquæ fontes ad Elim reperti, XII. indicarunt Apostolos de quorum fontibus aquæ derivatæ, uniuersi terrarum orbis ariditatem affluenter irrigarunt, ita Palmæ numero septuaginta cibum ostenderunt, quem mortales à totidem secundis Apostolis appositum essent accepturi.*

Cibus enim doctrina, uti sæpiùs dictum. Quoniam verò crux Domini, quæ Palma ea est, in quam assensurum esse Dominum Prophetæ prædixerant, longo stipite & in altum surrecto, in transver-

sumque latè porrecto fuisse fertur, significasse etiam videtur illud, *cum exaltatus fuero, omnia traham ad me*: ipsa enim manuum extensio duos populos, Israëliticum & Gentilem ad Deum trahere, & in unum congregare videbatur, ut seniores dixisse scribit Irenæus. Non abs re fuerit, ut piis quacunque ratione possumus satisfacere studeamus, signum id & victoriæ & salutis, quo pacto pii veteres figurarint, adscribere. Contus erat prælongus, cujus apex in ϵ , græcæ literæ similitudinem incurvabatur: indè paulò infra χ , Græca identidem litera suâ insignis decussatione addicta erat, Christi nomen ostentat. Inde qui crucis signum faceret bacillus transversus, cui velum aut mappa solebat appendi vexilli loco. Hæc duo significabant apud Græcos, quorum characteribus signata erant, CHRISTUS PASSUS & CRUCIFIXUS. Inde pro delubro pedamentoq; aliquo, vasis alicujus forma, orbicularis, aut oris, aut aliis gestaminibus castrensi more altero super alterum sufflexis subiciebantur, in hunc scilicet modulum. Quod ultimo loco subjicimus forma oculi est, in quem vexilla figebantur; Agite verò qui hoc signum sequimini, & in ejus imperium jurastis, salutem vobis atque victoriam

riam inde certissimam pollicemini. Non enim tumultuarium hoc, aut temerè concitatae cuiuspiam multitudinis fortuitum est signum, quod elementa porrò omnia, quod humana omnis natura, quod bruta, quâ licet, exprimere conantur. Dissecatur terra punctis quatuor, à quibus ductæ lineæ crucem figurant. Puncta, Oriens, Occidens, Septentrio, & Meridies. Sanctius in ea animal Homo, brachia cum precatur in crucem extendit, vel saltem pectus signat à fronte ad umbilicum, ut descensum à cœlo in terras nostri numinis indicet. Mox ab læva, à corde quippe ad dexteram papillam, (in dextra enim bonorum operum motus) crucem delineat. Per mare verò quæ volitant navigia, si optatum cursum arripitura sint, antennas malo in crucis effigiem applicant: quæque cœlum alites secant, passis alis crucem ostendit. Nos igitur faciem & pectus cruce signati, tutius & animosius unumquodque virtutis opus aggrediamur, fluxarum cogitationum inundationes transeamus incolumes, præpetique volatu supra cœlum attollamur, adminiculo signoque crucis omnia feliciter executuri, stratisque & superatis dolosissimi hostis insidiis, ejusque conatibus everfis, in Domini nostri

cruce tantum gloriati, trophæa, more veterum, victoriarumque triumphos ipsa cruce designata suspendamus.

XI.

*Hominis simul-
lachrum Palma*

Palma, in mysticis literis celebratissima, duplici de causâ hominis simulachrum esse putatur: primum quia fructum non fert sine coitu, sed replentur ejus rami gemmis masculineis, quasi semine quodam: deinde quia in superiore parte habet quasi cerebrum, quod Hebræi *Halulab*, Arabes verò *Chedar*, vel *Gemar* vocant, quo corrupto moritur arbor, sicut cerebro læso homo interit, quod quidem huic soli inter plantas contingit: tertio quod comam in cacumine habeat, & ramos in manuum modum protensos, & fructus digitorum figuram præ se ferentes, unde dactyli, id est, digiti sunt appellati: pulpa quoque ipsorum fructuum caro nuncupatur, multum sanitati conferens, & vel ex vi quadam animali, vel ex Phœbea naturæ summæ nutritionis, adeo ut multi sancti patres vitam in solitudine agentes, eo solum cibo contenti fuerint: quemadmodum & hodie quoque multi in Africa populi eo tantum fructu vitant.

De Populo.

Fama est, Herculem Cerberum per Acherontem fluvium in lucem eduxisse, ut scribit enarrator Nicandri: Ἀχέρων ὃ ποταμὸς ἐν Ἡρακλείᾳ τῇ Ποντικῇ, ἐνθα τὸ τῷ Ἄϊδου κυνὶα Ἡρακλῆς ἐξήγαγε, καὶ ὁ λόφος Ἀκόνιτι λέγεται. *Acheron fluvius est Heraclea Pontica, quâ Hercules Plutonis canem eduxit, atque collis Aconitos dicitur.* Huius fluminis aquam insuavissimam fuisse, sicut etiam Cocyti, scripsit Pausanias in Atticis, cujus alumna est alba Populus, ut Oleaster Alphei, Populus nigra Eridani: quare cum ad Cerberum Hercules per eam portam accessisset, dicitur fuisse alba Populo coronatus, cum ob caliginem tamen inferorum facta sit postea nigra illa corona, de quâ apud Padum defossa, nata est nigra Populus ut fabulantur. Qui ad aram maximam, Herculi sacra faciebant, solâ lauro coronari soliti à quibusdam traduntur. Qui tamen Virgilii auctoritate convincuntur, qui italib VIII. *Æneid.* cecinit.

*Herculea bicolor cum populus umbra
Velavitque comas, foliisque innexa pepen-*
dit.

Populeis adsunt evincti tempora ramis.

Popu-

Vfus.

Populus non habet alium usum, nisi quod sit commoda & tractabilis in sculptura. Vt Vitruvius testis est lib. II. de Architecturâ.

CAP. VII.

De Cedro.

Cedrus sacra est Eumenidibus sive Noctis filiabus. Nam Eumenides fuisse Noctis filias testatur Lycophron in Cassandra his verbis:

Ἡμεῖς ξυαίμεν πατρὸς αἱ νυκτὸς κό-
ραι

Πρὸς αὐτοφόντῳ αἶνὸν ὠπλίσαν μόρον.
Fratres ubi patris puellæ filia

Noctis, paraverunt graves in mutuas
Cedes.

Alii Noctis & Acherontis filias fuisse Eumenides crediderunt. At Orpheus in hymno quem scripsit in Eumenides, illas Plutonis, sive Iovis terrestris & Proserpinae filias dixit in his:

Κλῦτέ μου Εὐμηνίδες μεγαλώνομοι Ὀ-
φρονι βεβλή,

Ἀγναὶ θυγατέρες μεγάλοιο Διὸς χθονίοιο.
Φερσεφόνης τ' ἐρεχτῆς κόρυς καλλιπλο-
κάμοιο.

*Audite Eumenides me orantem mente be-
nigna,*

*Terrestris Iovis, & casta, & dignissima
proles*

Infernæ Iunonis.

Hesiodus & in eo libro quem scripsit de origine Deorum, è terra ex Saturni sanguine natas esse Erinnyas putavit, cum Iupiter patri pudenda abscidit, ac guttæ sanguinis in terram cecidissent, ut est in his:

Ὅσσαι γὰρ ῥαθαίμιγες ἀπέσυσθεν αἵμα-
τόεσσαι

Πάσας δέξασθαι γαῖα· πειπολυμένων δὲ
ἐνιαυτῶν

Γείνατ' Ἐρινύς τε κροταίεράς, μεγάλας τε
Γίγαντας.

*Tum quæ fluxerunt atro de sanguine guttæ,
Terra bibit cunctas: mox & labentibus annis
Edit Erinnyas hæc tristes, magnosque Gi-
gantes.*

Quas Latini Furias appellavere, Græci Erinnyes, & Eumenides in primis dixeret. Has & Plutoni deservire, prodidit antiquitas. hinc Virgilius:

*Hæ Iovis ad solium, sævique in limine regis
Apparent, acuumque metum mortalibus
agris,*

*Si quando lethum horrificum, morbosque
decum rex*

Molitur meritis, aut bello territat urbes, &c.

Hisdem etiam veteres commotæ mentis
affe-

affectus adumbrabant, proptereaque furoris deas existimabant. Semper verò virgines etiam proverbio dictæ, quod cum malefactorum ultrices sint, facile corrumpi non possint, quin etiam pœnas de delinquentibus sumunt: Suidas author. Cicero pro Roscio Amerino: *No-lite putare, quemadmodum in fabulis sæpenumero videtis, eos qui aliquid impiè scelerateque commiserint, agitari & perterrerì Furiarum tædis ardentibus: sua quemque fraus, & suus terror maximè vexat.* Et paulo post: *Hæ sunt impiis assiduæ domesticæque Furix, non ardentibus tædis, sicut in fabulis, Suetonius. de Nerone: Sæpè confessus exagitari se materna specie, verberibus Furiarum, ac tædis ardentibus.* Sed omnis hac de re plana Tragœdia. Erinnyes quidem ideo sunt vocatæ, quasi, ἑρῆς ὄψις, hoc est, mentis lis. Eumenides verò per contrarium ἑὐκαὶ μέλιτι, quasi non bona mens.

Mereri immortalitatem.

Cedro dignum dicere solemus, quicquid judicare volumus immortalitatem mereri. Hujus arboris ea natura est, ut cariem non sentiat: quare oleum cedrinum, authore Vitruvio, Libros à tincis conservat. Illi folia non decidunt hujus oleo peruncta, nec ipsa quidem cariem sentiunt, aut tineam, ut ne clavum fixum teneat. Et quia materia æterna est, atque diu-

diuturnitatem in se habet, fiunt ex ea in templis lacunaria ut, testis est Isidorus, & simulachra. Vide Plin. Lib. 13. cap. 5. & 13. Diosco. Theophrastus Lib. 111. Ovid. Lib. 1. Trist. Elegia. 3.

Nec titulus minio, nec Cedro charta notatur.

Martialis :

Quæ cedro decorata purpuraque

Nigris pagina crevit umbilicis.

Gyraldus testatur Hist. Deor. Syntagma- *Fumus Cedri*
& Citri.
te XVII. etiam Iliacis temporibus morem fuisse, ut nec thure, nec costo, sed Cedri & citri fumo deos adolere sole-
rent.

Cedrus celsitudo gloriæ.

Cedri nomine celsitudo gloriæ in electis accipitur; sicut & propheta testatur, dicens: *Iustus ut palma florebit: & sicut Cedrus, quæ est in Libano, multiplicabitur.* Hyssopus autem herba humilis est, saxo hærens: qua signatur humilitas Christi. Redemptor quippe noster à Cedro usque ad hyssopum disputavit: quia ab altera excellentia cælestis gloriæ, usque ad carnishumilitatem descendendo pervenit. Siquidem & Cedri nomine, pravorum superba elatio designatur, sicut per Davidem dicitur: *Vox Domini confringentis*
tis

*Christus usque
ad hyssopum
disputavit.*

tis Cedros. A Cedro itaque Christus usque ad hyssopum disputavit, quia ipse pravorum corda & humilium iudicat. Super ligna autem disputavit, dum in cruce pendit. Tunc enim è cedro, seculi arrogantiam inclinavit, quando eam usque ad hyssopi humilitatem, id est, usque ad crucis stultitiam ac contemptibilem fidem deduxit.

C A P. VIII.

De Larice.

Consecratio.

ETiam si lubens voluerim de consecratione laricis mentionem facere; quandoquidem tamen nullos auctores libri mihi præbent, eorumque testimonia negant, coactus eam præterire, de usu saltem aliquantulum narrare animum induxi. Certè miraculum naturæ est, laricem non solum ex succi amaritate vehementi à carie tineâque non noceri, verùm nec flammam recipere nec ardere per se, nisi ut saxum in fornace ad incoquendam calcem, lignis uratur aliis: nec flammam ideo sic quoque recipit, nec carbonem remittit, sed spatio longiore vix comburitur. quod sit nimia ignis & æris temperatura. Laricem autem non reddere carbones, veritati minimè consen-

ſentaneum, quanquam Vitruvius de Caſtro Larigno à Cæſare oppugnato, & Palladius lib. x i. id affirmant; nam in fornacibus ardet, & in carbones vertitur, ferrariis officinis vtiliſſima, Matthiolo & Dodonæo teſtibus. Vitruvius de Architeçtura lib. ii. cap. i x. *Ea autem materia quemadmodum ſit inventa, eſt cauſa agnoſcere. Divus Cæſar cum exercitum habuiſſet circa alpes, impetraviſſetque municipiis præſtare comeatus, ibique eſſet caſtellum munitum, quod vocabatur Larignum, tunc qui in eo fuerunt, naturali munitione conſiſi, noluerunt imperio parere. Itaque Imperator copias juſſit ad moveri. Erat autem ante ejus caſtelli portam turris ex hac materie alternis trabibus tranſverſis, uti pyra, inter ſe compoſita altè, ut poſſet de ſummo ſudibus & lapidibus accedentes repellere: tunc verò cum animadverſum eſt, alia eos tela, præter ſudes, non habere, neque poſſe longius à muro propter pondus jaculari, imperatum eſt faſciculos ex virgis alligatos & faſces arden-tes ad eam munitionem accedentes mittere. Itaque celeriter milites congeſſerunt. Poſtquam flamma circa illam materiem virgis comprehendiffet ad calum ſublata, effecit opinionem, uti videretur jam tota moles concidiſſe. Cum autem ea per ſe extincta eſſet & requieta, turriſque intacta apparuiſſet, admirans Cæſar, juſſit extra*

Cæſaris exercitus circa alpes.

Turris intacta.

timore coacti oppidani cum se dedidissent, quæstum est unde essent ea ligna, quæ ab igne non læderentur: tunc ei demonstravere eas arbores, quarum in Italia Alpibus, haud procul à Tridento sitæ: juxta Benacum ac Padum fluvios maximæ sunt copiæ; ut refert Dodonæus. Et ideò id castellum Larignum, item materies larigna est appellata.

C A P. IX.

De Æsculo.

Æsculus Herculi & Iovi sacra.

EPhorus scripsit lib. 2. Æsculus in facris Herculis. Quæ etiam à nonnullis Iovi adscribitur. Æsculus, ait Palladius in Novembri, *adificiis & rudicis apta materies.* Sed cavendum memoravit Vitruvius in ruderatione commodè perficienda, *Necommisceantur asses æsculini quernis.* Quod Palladius, libro 1. cap. 19. ita expressit.

Axes quernæ non debent cum æsculeis misceri.

Deinde ut axes quernæ cum æsculeis non misceantur. Nam quercus humore concepto, cum se cœperit siccare, torquebitur, & rimas in pavimento faciet, æsculus autem sine vitio durat. Sed si quercu suppetente æsculus desit, subtiliter quercus siccetur, & transversus atque directus duplex ponatur ordo tabularum, clavibus frequentibus fixus.

De Cupresso.

CYparissus autem dicitur, per synæresin, Cypressus: deinde, conversione y in u, Cupressus. Cyparissus Telephi filius fuit, amatus ab Apolline, vel, ut alii, â Sylvano. qui cum lassatus æstu, sub quadam arbore somnum caperet, subito strepitu excitatus, cervum, quem in deliriis habebat, feram credens, per ignorantiam, emissio telo occidisset: & fletu nimio & abstinentiâ cibi ac potus tabesceret, misericordia Deorum in arborem cupressum conversus est, aptam & consecratam lachrymis, & luctibus. Alii, hunc Cyparissum, Cretensem puerum pulcherrimum & castissimum fuisse: quem quidam ab Apolline, nonnulli Zephyro amatum volunt: qui cum castitatem suam incorruptam tenere cuperet, relictâ Cretâ, ad Orontem fluvium & montem Cassum dicitur pervenisse, atque in Cypressum arborem commutatus: quæ arbor ideo mortuis consecratur, quod semel cæsa nescit renasci. Virg. lib. II. Æneidos.

Cupressus derivatio.

Et urbe egressis tumulus, templumque vetustum

Cupressus mortuis consecrata.

Deserta Cereris, juxtaque antiqua cupressus,

Religionepatrum multos seruata per annos.

*Mos Romanus
de comburen-
dis ramis Cu-
pressi.*

Virgilius ponit Cupressum, quæ est sacra Diti; & funebri signo ad domos ponitur. Nam moris Romani fuit ramum cupressi domui funestæ præponi, ne quis Pontifex per ignorantiam ingressus pollueretur. Hinc Horatius in Oda xiv.

— neque harum, quas colis, arborum,
Te præter invisas cupressos,
Vlla brevem dominum sequetur.

*Cupressus in-
feris.*

Cupressus etiam inferis sacra est: quia cæsa nunquam revirescit. Virg. lib. vi. Æneidos.

*Ingentem struxere pyram: cum frondibus
atris*

*Intexunt latera, & ferales antè cupressos
Constituunt decorantque super fulgentibus
armis.*

*Cupressi usus
in pyras.*

Adhibetur Cupressus ad funera: vel quòd cæsa non repululat: quod bis ante dixi; vel quod per eam funesta ostenditur domus; sicut lætam frondes indicant festæ. Varro tamen dicit, pyras idèò Cupresso circumdari, propter gravem ultrinæ odorem: Plinius propterea eam arborem Diti sacram esse scribit. Et ut sæpiùs dictum, funebri signo ad domos posita. Silius lib. io.

*At ferale decus mæstas ad busta cupressos,
Funereas tum deinde pyras certamine texunt.*

Et

Et Claudianus. lib. 2. de raptu Proserp.

— *tumulos tectura cupressus.*

Sed cupresso non utebatur popularitas.

Lucanus.

Et non plebeios luctus testata cupressus.

Cupressus etiam proverbialiter utitur, *Simulare en-*
nempè simulare cupressum. Hinc Ho- *pressum.*
rati in arte poëtica.

Et fortasse cupressum

Scis simulare quid hoc, si fractis enatat ex-
pes

Navibus, are dato?

Acron proverbium esse admonet, ortum ab imperito quopiam pictore, qui præter cupressum nihil noverat pingere. A quo cum naufragus quidam petiisset, ut vultum suum exprimeret, ac naufragium suum depingeret, interrogavit ille num ex cupresso vellet aliquid adiici. Res ea primum in jocum, deinde etiam in adagionem abiit. Concinnè usurpabitur in eos, qui quod didicerunt, id ubique in-tempestiviter inculcant, cum ad rem nihil attineat.

C A P. XI.

De Ficu.

Ficus, mortalibus elegantioris vitæ
magistra fuit, vel hoc argumento,

D 3

quod

quod locum ubi primum arbor hæc reperta est, sacram ficum Athenienses vocaverunt, ipsiusque fructum *ἡμνησίαν*, id est vinctioris ac cultioris vitæ ducem, quod antè mitiores cibos omnes inventus fuerit. Ficum genera plura. Atticum memoratum ab Antiphane in Homonymis. Laudans enim agrum Atticum, inquit:

*Qualia fert, ô Hipponice, ista regio,
Excellentiora quàm vniversus orbis, mel,
Panem, ficus. Ficus enim, ita me amet Iu-
piter,
Abundè gignit.*

Ister in Atticis prodidit, vetitum fuisse caricas exportare in Attica nascentes, his indigenæ ut soli fruerentur. Cum verò multi furtim avehere deprehenderentur, delatores qui apud iudices illos accusarent, vocatos principio fuisse Sycophantas. Alexis in Poëta:

*Sycophantæ nomen immeritò
Viris improbis est tributum.
Nam qui foret bonus, & urbanus, is debuit
Indicatis sicubus mores approbare suos.
Nunc autem flagitiosos cum sic nominent,
Dubitare id cogit, cur ita factum sit.*

Philomnestus libro de Sminthiis Rhodiis scripsit Sycophantam inde nuncupatum fuisse, quod illis temporibus è ficum

cum mercatura, vini, olei, tributa colligerentur, ac portaria, & mulctarentur qui ea non solvissent, è quibus in administratione reipublicæ sumptus fieret: itaque coactores qui exigent, & eorum proventum suis rationibus ostenderent, ut credibile est, appellatos fuisse Syco-phantas, ad idque munus delectos fuisse cives spectatissimos, atque optimæ fidei. Laconicæ ficus meminit Aristophanes in Agricolis his verbis:

Ficus omnes ego seram, præter Laonicas.

Infestæ namque sunt illæ, ac tyrannicæ:

Nec enim pusillæ ferent, si animosè plebem

Odio non prosequeremur.

Ficum scilicet eam pusillam vocat poëta, quòd exigua & humilis planta sit. Alexis in Olynthio, cum Phrygiæ ficus mentionem facit, ait:

Et divinus cibus, à matre data mihi delitiæ,

Carica ficus.

Ficus à Phytalo primùm inventa, nam ajunt ab eo Cererem hospitio acceptam, eique fici stirpe donata gratiam relatam. id versus testantur in Phytali sepulchro incisi:

*Hinc Cererem tectis Phytalus suscepit he-
ros,*

Cui primùm sacri largita est semina pomi,

Quam mortale genus ficum vocat, illius ergò

Muneris, aeterno hic Phytali gens floret honore.

Ficus Mercurialis cur dicitur.

Σῦκον ἐφ' ἐρμῆς, id est ficum Mercurio. De prompto, & quibuscumque exposito beneficio dicebatur. Nam antiquus mos erat, sicubi ficus repertus fuisset, eum veluti Mercurio sacrum suspendere. Liberum autem erat tollere ficum Mercurialem, cuicumque libitum fuisset: vel quòd is Deus furibus favere creditus est, vel juxta paræmiam illam κρινὸς ἐρμῆς, communis Mercurius. Huc allusit Persius cum ait:

Inque luto fixum possis transcendere nummum,

Nec gluto solvere salivam Mercurialem?

Vnde proverbium; ficum cupit. Σῦκον αἶτε: id est, ficum petit. In eum dicebatur, qui commoditatis alicujus gratia blandiebatur. Inde natum tradunt, quòd olim Athenienses agricolis blandiri soleant, ut ab illis ficos præco quas acciperent, in proverbium verterunt, ut commodi adulantem, ficos petere dicerent, Aristophanes in vespis:

Σὺ δὲ νῦν σῦκα μ' αἶτεῖς.

id est.

Tu verò nunc ficos à me petis.

[Ἀδελφίζειν]

Ἀδελφίζειν dicuntur, qui vocabulis adoptivis

ptivis alicui blandiuntur. quod hodie-
que apud Italos vulgatissimum est, ut
quibus blandiunt fraterculos appellent.
Dicitum est autem ἀδελφίζον ἢ μακαρί-
ζον. Horatius in Satyris.

— *Frater, pater, adde.*

*Vt cuique est etas, ita quemque facetus ad-
opta:*

Rurfus alibi:

— *Pater audisti coram, nec verbo parcius
absens.*

Hujus exemplum est apud Aristopha-
nem in Equitibus. Item apud Plautum,
cum alias, tum in Pseudolo. Sic amans
herus blanditur servo suo:

*Dic utrum patrem an matrem te resalutem
Pseudole.*

Ab eruditis agitur quæstio, qui fiat, ut
ficus arbor amarissima fructum produ-
cat prædulcem, ac pinguedinis multæ:
adeò, ut Ananius jambographus etiam
σῦκα τῷ χερυσιδ' χεῖρας, id est, auro pro-
nuntiarit esse ficos meliores. Accidit ad-
mirationi, quod inter frugiferas arbores
ficus modò est ἀνάνθη, id est citra flo-
res. Quòd verò nec de cælo tangitur, id
utique amaritudini acceptum referri o-
portet. Id genus quippe non attingunt
fulmina, quod Vitulus comprobat mari-

nus, atque hyæna. Ratio autem propositæ ambiguitatis illa esse nonnullis videtur, quòd arboris dulcedo, quantacunque sit, in fructum secernatur: proinde, quicquid reliquum fiat in ligno succi, in amaritudinem degenerare.

CAP. XII.

De Fraxino.

*Diligentia in
lignis.*

*Fraxinus sa-
cra Marti.*

NON parva erat apud Antiquos diligentia in eligendis lignis, quæ convenirent singulis sacrorum generibus: quoniam non ex quibusvis lignis ignis accendebatur, sed ex lignis in legibus nominatis. Sic in sacris Martis nulla ligna, nisi fraxinorum urebantur. Fraxinus vocari fertur, quod magis in asperis locis montanisque fragis nascatur. Hinc per derivationem fraxinus, sicut à monte montanus. De quo Ovidius, *Et fraxinus utilis hastis*. Vitruvius lib. II. *Fraxinus habet humores, nimiumque aëris & ignis, terreni temperata mixtione, propter humoris abundantiam, non habet rigorem, sed celeriter pandat, simul autem vetustate est arida facta, aut in agro perfecta, qui inest ei liquor stanti, emoritur, fitque durior & in commissuris & in coagmentationibus ab lentitudine firmas recipit catenationes.*

De Ilice.

ILex Iovi sacra. Arbor de amplissimis, *Consecratio.*
 ut robur, materie spissa & robusta, sed
 quæ frangatur ac diffiliat sponte sua: ob
 id Pericles Bæotios ilicibus dixit esse si-
 miles, ut est apud Aristotelem, quoniam
 ipsi se conficerent intestinis discordiis.
 Notatu quoque dignus locus Suetonii in
 vita Octavii Augusti, cap. xcii. *Apud in-*
fulam Capreas veterrimæ Ilicis demissos jam
ad terram, languentes ramos convaluisse ad-
ventu suo adeò letatus est, ut eas cum Republ.
Neapolitanorum permutaverit. Instar ete-
 nim lætissimi ominis id habuit Augustus:
 quemadmodum aliis olim fuit inter tri-
 stia omnia cornicem ex ilice argutantem
 audire; juxtà vulgare illud:

Sæpe sinistra cavâ prædixit ab Ilice cornix.

De Oleastro.

TErra initio fuit aquis adobruta, emer-
 sitque primùm Attica: cujus amore
 ducti Neptunus & Minerva de civitatis
 constituendæ nomine litem intende-
 runt. Ideò Iovi complacitum, ejus esse
 urbis pontificium, qui pulcherrimum ex-
 cogitasset munus, tunc portubus & na-
 vibus

vibus ab Neptuno urbem excultam,
Minerva oleam producente in Acropo-
li: quo argumento evasit superiorem. Un-
de institutum oleastro coronare. Hercu-
les, ut qui fratrum suorum natu maximus
erat, cursus certamen reliquis suis fratri-
bus per ludum proposuit, victoremque
oleastri coronâ donavit. Magnam verò
illos oleastri copiam habuisse: siquidem
sua etiam cubilia ejus arboris viridi fron-
de substernebant. stirpem quidem eam
fuisse ex Hyperboreis ab Hercule pri-
mùm ad Græcos deportatam Pindarus
dicit. Ο ΑΥΜΠ. Γ.

*Herculis cur-
sus certamen.*

*Usus Oleastri
in Coronis.*

*Hyperborii
sunt gentes su-
pra aquilones.*

Consecratio.

Apollini Deo sacer etiam fuit Olea-
ster, qui juxta oleam & palmam natus sit,
ut quidam putarunt. Quidam verò opi-
nantur, quòd illa planta solem maximè
amet, cum in locis frigidis non nascatur.
Quòd illi sacer sit, ita Theocritus ait. in
Herc. Leonida:

χλωρή τ' ἀγρίελαιος Ἀπόλλωνος νομίσιο,
Ἰέρων αἶγνὸν ξεῖνε, τελεστούτοιο θεοῦ.

Atque virens oleaster Apollinis ipse sacratus,
Ac purus, coma sacra Deo frondescit adulto.

Oleaster sacer Scripsit Maro lib. XII. Æneidos.

Fauno.

Fortè sacer Fauni foliis oleaster amaris
His steterat, nautis olim venerabile lignum,
Servati ex undis ubi figere dona solebant
Laurenti divo, & votas suspendere vestes.

Id Virgilius non temerè scripsit, sed ex ritu priscae superstitionis: præcipuè Græcorum, qui ante fana in oleastris suspendere dona solebant & affigere. Illius enim arboris vivacitas tanta est, ut si multis configatur clavis, nihil tamen lædatur. Aristophanes in Pluto,

Ὡς περ ὀλῖνῳ παραΰαλῶσω τέτωί.
Id est, ceu oleastro adfigam isti.

Oleastri vivacitas.

C A P. XV.

De Pinu.

FAUNUS antiquissimus omnium regum *Pinus sacra*
in Latio fuit, qui Aboriginibus impe- *Fauno.*
ravavit, homines more ferarum viventes in
mitiorem vitam redegit, lucos sacravit,
locis & urbibus nomina dedit, ædificia
crexit, templa edificavit: quæ ideò à Fauno
fana dicuntur quòd pontifices sacrifican-
do illic fantur. Fama est hunc Faunum Sa-
tyrorum & Faunorum patrem, sororem
habuisse Faunam, vel ut alii maluerunt,
Fatuā, vatici natricem: ab eā vates, fatuarii
dicuntur. Hæc traditur mulierum castis-
sima: ideò eam Romani Bonam Deam
appellavere. Habuit filium Sterculinum:
qui primus agrorum stercorationem in-
venit, & idcirco inter Deos fuit relatus.
Coronabantur hi pineis ramis, quòd illa
arbor

arbor grata sibi esse putaretur. ut testatur Ovid. in Oenone.

*Cornigerum caput pinu præcinctus acuta
Faunus in immensis, qua tumet Ida, jugis.*

Pinus Pani.

Pinum quoque arborem Pani attribuit Constantinus in lib. x i. Geoponicôn, ubi & fabulam exequitur Pitys puellæ, in hanc arborem mutatæ: aliter licet Phurnutus tradat. Verba Constantini. *Pinus puella prius erat, & mutationem naturæ exacte duplicis assumpsit. Amabat enim puellam Pan. Amabat eandem etiam Boreas. Quum autem puellam alliceret, ipsa Panis amore magis afficiebatur, & ob hanc rem Boreas æmulatione motus, puellam in petras impulit, ac neci tradidit. Terra porrò miserta cladem, plantam puellæ cognominem reddidit ac produxit. Et permutata vita erga eosdem plures affectus servat, & Pana quidem germine suo coronat. Flet autem & lamentatur arbor, ubi Boream afflantem percipit.*

*Pinus magna
matri sacra.*

Hermesianax elegorum scriptor Aten Calai Phrygis filium ad suscipiendam sobolem inutilem factum ab ipsa Dea scripsit: qui cum adolevisset, magnæ matris ceremonias in Lydia monstravit. Quare tanto in honore fuisse apud Deam dicitur, ut, Iupiter illud graviter ferens, immanem aprum in segetes Lydorum immiserit, à quo & alii Lydorum complures,

plures, & ipse Attes fuerit interemptus. Fama est præterea Atten in arborem Pinum ab ipsa Dea conversum fuisse, quare pinus matri Deum fuit consecrata.

Pinea silva mihi multos dilecta per annos. *Pinus matri Deum.*

Apud Maronem Lib. ix. dicit mater deum. In Ida autem monte, ubi sanctissime colebatur, pinus abundabat, & ei pinus lucus sacer erat: Claudianus lib. i. de raptu Proserp.

— *densis quam pinus obumbrat*

Frondebis, & nulla lucos agitante procella.

Ac pinus arbor erat deum matri dicata, ut Ovidius ait, lib. x. Metamorph.

— *Cybeius Attis*

Exiit hac hominem, truncoque induruit illo.

Pinea nux apud Martialem: *Poma sumus Cybeles.* ea primum in agro Milesio Cariae visa est; & inde Pityussæ nomen Mileto datum. Nam pitys Græcè pinus appellatur. è cujus ramis in pervigilio Cereis lectisternia Milesii constituerunt. inq; omnibus deæ sacris apud eos: verbenarum usum pinus exhibebat ad ostentandam generis vetustatem. Quod in symposiaco scribit Didymus. Alii noctibus initiorum coniza solum sternebant: quòd ejus herbæ vis est ut venerem compri-
mat. Ut Nicandri scripsit interpretes. Apollodorus lib. iii. de diis ait. *Ideæ matri*

Pinus in agro Milesio.

quercum

*quercum dicatam quæ prima tectum mortali-
bus & victum suppeditavit. Idam Pinetis
confertam Virgilius indicat, qui multo
carmine celebrat Æneæ naves ex Idæa
pinu constructas. in gratiam Cybeles ab
incendio servatas Nercidibus accessisse.
Statius,*

Pergama pinifera multum felicior Ida.

C A P. XVI.

De Platano.

Platanus à latitudine foliorum dicta,
vel quòd ipsa arbor patula sit & am-
pla. Nam πλάτος Græci latum vocant.
Sed quod ad consecrationem attinet,
platanus fuit Genio dicata. Et porrò ejus
usum Martialis indicat Epigramm. lib.
III. ajens, de villa Faustini, ad Bassam.

Baiana nostri villa, Bassa, Faustini

Non otiosis ordinata myrtetis,

*Viduataque platano, &c. id est, sterili
sine fructu.*

Usus in hortis.

Platani erant in usu apud Romanos, vel
in villa, vel in hortis urbanis, ad umbras
inambulationum, quem usum docue-
runt Athenæ. Illic enim primùm visæ
sunt platani, xxxvii. cubitorum umbris
luxuriantes in philosophorum otio. Pro-
pterea Juvenalis cum de recitatione poë-
matum loqueretur ait :

*Platani pri-
mùm visa
sunt Athenis.*

Front-

ARBORETVM SACRVM. 65
*Frontanis platani, convulsaque marmora
clamant:*

Quoniam, ut supra dictum est, earum arborum umbræ ad otium literarum primum sunt inventæ. Hinc Propertius lib. II. in eundem modum:

Porticus aulais nobilis Attaliæ,

Et creber pariter platanis surgentibus ordo.

Platanus arbor est peregrina, umbræ tantum gratia expetita: quæ arbores in tantum venerant honorem, & in tantis fuere delitiis, ut mero nutrentur. auctor Plinius lib. XII. cap. I. Scripsit Macrobius Saturnali. lib. 2. cap. x. *Hortensium platanos suas vino irrigare consuevisse.* Ejusque subla-
ta umbra multoties mensas appararent: Hinc Virg. lib. IV. Georgic.

*Atque ministrantem Platanum potantibus
umbram.*

Munimentum ab insidiis atque
veneficiis.

Munimentum ab insidiis atque veneficiis, per Ciconiam platani folium Ciconia gestans folium platani. gestantem significari: ea siquidem hujusmodi folio nidis imposito, editis ovis ea ab injuria noctuarum defendit. Compertum enim est, si noctua ea contigerit, fascinari: incubationem quippe omnem, ac si ova essent subventanea, irrita fieri;
E quod

66. JOANNIS MEVRSI F.
quod observavit Ælianus. Novit verò
Ciconia amuletum id, ut eò non accedat
Noctua, ubi platani folium fuerit.

C A P. XVII.

De Smilace.

V Tebantur in Sicilia in sacrificiis Ce-
reris non floreis quidem coronis, ne-
que in aliis ejus sacrificiis, quia ob me-
moriam raptæ filiæ colligentis flores, illi
fuerunt vetiti. At myrteis coronis, & è
Smilace utebantur, ut ait enarrator So-
phoclis. Et Smilax Baccho quouque sacra
est.

*Proserpina
Cereris filia.*

C A P. XVIII.

De Tilia.

P Linius duo genera tiliæ comprobat;
*In tilia, inquit, mas & fœmina differunt
omni modo. Namque & materies maris dura,
rufiorque ac nodosa, & odoratior. Cortex quo-
que Crassior, ac detractus inflexibilis. Nec se-
men fert aut florem, ut fœmina, quæ crassior
arbore, materie candida præcellensque est. Mi-
rum in hac arbore, fructum à nullo animalium
attingi: foliorum corticisque succum esse dul-
cem. Sed tilia tamen in tota Scythia ali-
mentum apibus præbet.*

*In Scythia
apes.*

CAP. XIX.

De Loto.

Lotus arbor præcipua Libyæ, cujus Libya.
 floris suauitate homines rerum om-
 nium obliuisci dicuntur: unde Lotopha-
 gi populi, qui eâ præfertim abundant, ut
 Homerus, Plinius, & Strabo, cujus verba
 jam sequuntur, scribunt. *Meninx insula* insula Me-
Lotophagorum terra putatur, & ibi signa que- ninx.
dam extant, ut Vlyssis ara, & fructus ipse. Nam
lotos arbor crebra in ea est fructu suauissimo,
plura etiam in ea oppida sunt, sed unum eodem
nomine quo insula. Herodotus in Melpo- Lib. IV.
mene: Lotophagi è solo loti fructu victitant:
qui fructus est instar fructus lentisci, suauitate
assimilis fructui palmarum. Ex hoc fructu loto-
phagi vinum conficiunt. Propter autem flo-
ris hujus arboris suauitatem, homines
redduntur immemores omnium rerum.
 Hinc etiam proverbium ortum, *Λωτοδ*
ἐφαγες, id est, lotum gustasti. De iis dici- Peregrinæ re-
 tur, qui diutiùs in peregrinis regionibus giones.
 hærent, veluti obliuisci redditus. Neque
 inconcinnè dixeris in eos, qui simulatque
 semel voluptatem inhonestam gustarint,
 ad pristina studia revocari non queunt.
 Sumptum à fabula Lotophagorum: de
 quibus meminit Homerus *Odyss. lib. IX.*
 narrans quemadmodum Vlyssis focii, Vlyssis focii.

gustatâ apud lotophagos populos herba
loto, redire ad navem noluerint, nisi ver-
beribus adaacti :

— Ἀλλὰ σφι δόσαν λωτοῖο πάσα ὄχ.

Τῶν δ' ὅστις Λωτοῖο Φάγοι μελιηδέα καρ-
πὸν,

Οὐκ ἔτ' ἀπαγγείλαι πάλιν ἤθελεν, ἔδ' ἔ-
νεέσθ.

Ἀλλ' αὐτῆς βέλοντο μετ' ἀνδράσι λωτοφά-
γοισι

Λωτὸν ἐρεπτόμενοι, μὴέμεν, νόσος τε λα-
θεῖσθ.

id est,

Verum illis lotum degustandum exhibuere.

Ast horum quisquis loti gustarat amicum

Et suavem fructum, neq₃ nuncia protinus illi

Vlla remittere cura, nec ipse redire studebat.

*Verum inibi cum Lotophagis remanere vo-
lebant*

Obliti reditus, capturi germina loti.

Est autem lotus (quam eandem celtim
dici docet Dioscorides lib. 1.) arbor , de
quâ Plinius lib. 13. *Tam dulcis ibi cibus , ut*
nomen etiam genti terræque dederit. nimis ho-
spitali , advenarum oblivione patriæ. Est &
herba ejusdem nominis gratissima & ipsa
palato, de quâ permulta Theophrastus
lib. De plantis 1 v. cap. 1 x.

Antinoi meminit Callixenus Rhodius
natione, in suis libris de Alexandriâ, his
verbis:

verbis : Quandoquidem est injecta de Alexandria mentio, scio in ea pulchra civitate coronam quandam textam è loto ibi nascente, vocari Antinoiam. In paludibus lotus gignitur æstatis tempore: floris duplex color: alter similis rosæ masculinæ: ex hoc nectuntur coronæ, quas propriè vocant Antinoias: alterius cyaneus color est, è quo lotina fit corona. Pan- crates quispiam indigena poëta Adriano Imperatori cum esset Alexandriæ, velut ostentum ingens, ac miraculum, spectandum præbuit lotum roseum, & Antinoium vocandum esse dixit, illumque terra procreatum, perfusa cruore Mauri leonis, quem in Libya Alexandriæ finitima, dum venaretur, Adrianus prostraverat beluam ingentem, quæ diu Libyam ita vastaverat, ut ejus magna pars esset deserta. Delectatus Imperator hominis inventione, quam novam excogitarat, annonam ex redditibus ei largitus est. Cratinus comicus in Vlyssibus, lotum

Antinoia corona.

Inventio Imperatori placet.

σεφάνωμαζα, vocant Athenienses. Pan- crates in poëmate non invenustè scripsit:

Serpyllum crispum, album lilium, atque hyacinthum

Purpureum, flavi chelidonii folia:

Et rosam, vernis Zephyris hiscentem:

Nondum florem Antinoi cognominem tellus ediderat.

De Moro.

Quid de Moro arbore scribant veteres medici non dicam, sed tantummodo historiam sive Poëticam fabulam quam Ovidius describit, narrans quæ sub ea arbore Thisbi contigerunt, memoraturus sum. Pyramus & Thisbe tam forma quam ætate pares, cum Babylonix, quam Semiramis regina muro cinxerat, contiguus habitarent ædibus, per rimam parietis sæpè colloquentes, amoris fundamenta jecerunt. Tandem etiam inter se pacti sunt, ut matutino tempore ad monumentum Nini regis sub arbore moro convenirent. Cum autem sub lucem celerius Thisbe ad constitutum se reciperet locum, conspectu lænæ exterrita, abjecto amictu, in sylvam refugit. At fera à recenti præda ad fontem vicinum decurrens, vestem virginis relictam ore cruento laceravit. Post Thisbes abitum, Pyramus ad locum destinatum aliquantò ferrius cum venisset, amictum sanguine conspersum reperit. Existimans igitur eam à fera devorata, sibimet ipsi suo gladio mortem consciscit. Deinde Thisbe deposito metu, ad eundem reversum locum, cum videret se necis causam adolescenti

Amoris fundamenta.

Thisbes abitus.

lescenti præbuisse, ne diutiùs in mœrore
sola existeret, eodem ferro se transfixit:
quorum cruore morus aspersa albos suos
fructus in sanguineum convertit colo-
rem.

C A P. XXI.

De Lentisco.

HÆc arbor perpetuò viret : terque in *Arandi tem-*
anno fructus profert, & triplici fru-*pore.*
ctu tria arandi tempora demonstrat.
Quod Ciceronis sententia cujus verba
subsignabo, testantur.

*Iam verò semper viridis, semperque gravata
Lentiscus, triplici solita est grandescere fœtu:
Ter fruges fundens, tria tempora monstrat
arandi.*

Lentiscum mandere, Σχῖνον Λατρώ-
γειν, Græco proverbio dicuntur ii, qui
nimio comendi corporis studio super-
fluunt: nam ex lentisco dentifricium fieri
consuevit. Is est pulvisculus quidam can-
didandis dentibus comparatus. Fiebant *usus.*
& dentiscalpia ex lentisco: hoc est, cuspi-
des quædam purgandis dentibus accom-
modatæ. Martialis in Apophoretis:

*Lentiscum melius, sed si tibi frondea cuspis
Desuerit, dentes penna levare potest.*

Quin & Dioscorides libro primo indi-
cat, lentisci succum ex quâ decoctæ figere

vacillantes dentes, si eo colluantur: tum & cuspides hinc factas si affricentur, utiles esse dentibus abstergendis. Huiusmodi igitur quibus dentiscalpium semper in ore est, lentiscum arrodere dicuntur, & *λεντισκοί*, id est, lantisci arrosores appellantur. Nam dentium cura olim ut delicatis probro dabatur: & Apuleio inter reliqua crimina obiectum est, quòd dentifricium parasset.

C A P. XXII.

De Cornu.

Cornus arbor est habens ramos, duritie & rigiditate similes. fructum circa solstitia ferens, primò candidum, postea sanguineum. Quod autem porrò ad usum ejus pertinet, apta habita est in hastis conficiendis. Virgilius Lib. 2. Georgicorum.

— — — *& bona bello*

Cornus.

Idem auctor lib. ix. Æneidos.

Coniecto sternit jaculo, volat itala cornus.

Id est, telum ex corno factum.

C A P. XXIII.

De Pyro.

VRbana Pyrus arbor est Malo procerior: ramis non in latitudine effusis, sed

Dentiscalpium instrumentum erat, quo dentes scalpebantur. Et id ex lentisco fiebat frutice.

sed altum petentibus : caudex subinde *Vfus.*
 crassius: ligni materies admodum tracta-
 bilis, ad typos, ex ea sculpendos valdè ac-
 commoda. De Pyris, $\tau\epsilon\alpha\pi\acute{\iota}\omega\nu$, jam lo-
 quar, quandoquidem ab illis Pelopon-
 nesum Apiam cognominarunt, quo-
 niam, ut Ister in Argolicis, in ea regione
 frequentissima est illa planta.

Conviviis apponi solita pyra cum aqua,
 ostendit sic Alexis in Brutia :

A. Vidiſſim aliquando

Eſurientibus pyra hominibus appoſita

Cum aqua multa? B. Sæpè hercule, quid ita?

A. Nonne ſemper quiſquis ſelegit, ac capit,

Ex iis quæ adventant, quod maturum eſt
maximè?

B. Scilicet.

Pyra quidem non ſunt Amamalides, ut *Amamaliæ.*
 quidam arbitrantur, ſed alterum genus
 fructus ſuavioris, abſque nucleo. Aristo-
 menes in Baccho :

An neſcis, inquit, in Chio generari Ama-
malidas?

A pyris has discrepare, & ſuaviores eſſe,
 Æſchylides libro Georgicorum mon-
 ſtrat, cum de inſula Ceo loquitur, quam
 ait optima pyra educare, & quas in Ionia
 vocant Amamalidas, carentes nucleo,
 grati ſaporis, dulces. Aethius libro quin-
 to. De limitibus Samiorum, ſi modò

verè illius hoc est opus. Omomelidas ipsas nominat. Pamphilus libro de linguis & nominibus, Epimelidas pyri genus esse tradit Antiphon in libris de Agricultura, Phocidas quoque inter pyrorum genera recenset.

C A P. XXIV.

De Ceraso.

Arbor nota, à Cerasunte Ponti civitate sic dicta. quam quum Lucullus delevisset, inde illam Romam transtulit, & à civitate cerasum appellavit. Arbor cerasus dicitur, fructus cerasum.

C A P. XXV.

De Buxo.

Buxus pro tibia phrygia.

BUXUS ex avulsionibus plantatur, & clavis, & ramis, depositis in plantario post Idus Novemb. Gaudet autem humidis locis semper viride existens. Ex Buxo etiam fiebant tibiæ, ut scribit Virgilius lib. ix. Æneid.

*Tympana vos buxusque vocat Berecynthia,
matris*

Idee:

Non abs re, cum vellet significare tibiam Phrygiam, buxum posuit, sed materiam tibiæ Phrygiæ propriam nominavit. Nam ut Afrorum tibiæ è loto erant: sic Phrygum

gum è buxo. Pollux de tibiæarum genere loquens, ἐλυμϑ, inquit, πωδὲ μὲν ὑλιν πυξινϑ, τὸ δὲ ὄρημα Φρυγῶν.

C A P. XXVI.

De Olea.

Oleam & alias adhuc plures arbores semper virere pinguedo & calor faciunt. teste Plutar. Sympotiacῶν l. 3. Iupiter coronabatur interdum quercu, aut *Consecratio.* olea. Vnde etiam factum ut invicem inter se hæc arbores inimicitias exercere dicantur. Plurnutus, olivâ tantum Iovem coronari ait, quòd ea sit semper virens, id est, αἰφθάλῆς: & pinguis & multæ utilitatis, id est, πολίχρηςϑ, & glauci coloris & cœlestis similitudinem habere videatur. Olea sanè etiam Minervæ attribuitur, propterea quòd semper viret. Sunt etiam qui huic deæ oleæ fertum assignent, quòd hæc arbor pacis sit symbolum. Nam & ideo arma inferri dicuntur, ut postea in pace vivatur scribit Plinius: Athenis quoque, inquit, olea durare traditur in certamine edito à Minerva, de quo ipsius & Neptuni certamine non modò Musæ & Græcæ & Latinæ, sed & utraque historia, plurima prodidere. Certè illud Pausanias tradit, oleam arsisse, cum Medorum incendio urbs Athenarum

*Olea sacra
Minervæ.*

narum conflagravit: & exustam, eodem die in duorum cubitorum proceritatem germinasse.

Testatur Herodotus in Terpsichore, quibusdam temporibus apud neminem, nisi apud Athenienses oliva inveniebatur. Atque cum Epidaurii ex oraculo Apollinis Delphici statuas erigere Damiae & Auxisiae juberentur, percunctati sunt, aereasne an lapideas erigerent. Cum respondisset Pythia, ex Oliva domestica, ad Athenienses confugerunt. ἐδέοντο ἔν οἱ

Ἐπιδάυριοι Ἀθηναίους ἐλαίῳ σφι δέναι ταμείεσθαι, ἰρωτάτας δὲ κείνας νομίζοντες εἶναι. λέγει δὲ ὡς ἐλαῖαι ἔσαν ἄλλοθι γῆς ὁδοῦ κατ' ἐκείνον τὸ χρόνον, ἢ Ἀθήνησι. Rogarunt igitur Athenienses Epidaurii, ut sibi olivam cadere permitterent, cum maximè sacras illas arbitrarentur. Fertur enim quod per id tempus nullibi, nisi apud Athenienses, erant olive. Quare etiam annua sacrificia mittere Athenas pro cæsis olivis Epidaurii pepigerunt. Cum verò olivæ fructus ad omnes artes sit accommodatus, oleum scilicet, omnes denique artes Minerva invenisse creditur. Oleam autem etiam magnæ existimationis apud ovantes fuisse, Plinius testis est lib. x v. Histor. Nat. his sequentibus verbis: *Oleæ honorem Romana*

*Damia &
Auxisia*

*Majestas Ro-
mana.*

*majestas magnum præbuit, turmas equitum
Idibus*

Idibus Iulius ex ea coronando: item minoribus triumphus ovantes. Athenæ quoque victores olea coronant, Græci verò Oleastro Olympiæ. Tibullus lib.2.

*Cernite, fulgentes ut eat sacer agnus ad aras,
Vinctæque post olea candida turba comas.*

Hoc fynecdochicòs intelligendum: Olea est arbor Palladis, pacem significans: & illius imbecillitatem à quo præfertur. Græci ἐλαφον dicunt & Oleum. ἐλφον enim est misericordia, unde Olea.

Oliva Sterilis.

OLivam sterilem Pharisæos, & Sadducæos, si quis dicet, non errabit: qui *Iustitia nō
men.* justitiæ nomine sese efferentes, ab hujus fructibus erant inopes. Quòd autem Oliva in similitudinem justorum adducatur, ipse David testis est: in Psal. 51. *Ego autem sicut Oliva fructifera in domo Dei, speravi in misericordiam Dei in æternum.*

Agricultura.

Sunt qui Oleæ ramusculum in Mercurii manu propter agriculturæ studium poni dicant, cum ipse initium & fructiferarum arborum sospitator habeatur: eum honorem Olivæ potius quàm alteri cuiquam arbori habitum, ut pro Agricoltatione poneretur, quia longè plures *Olea ramus
Mercurio socr.* utili-

utilitates ex Olea defumuntur, quàm ex quavis alia fructiferarum arborum. Neque tamen defunt, qui rem ad pacis significatum deferant. quòd ille rerum internuncius pacem feratur conciliare. Operæ pretium verò est videre monumenta, in quibus olea insigne pacis ubique prætenditur. Nam in Hadriani nummo quodam simulachrum habetur flexo genu, quod dexteram ipsi Hadriano stanti porrigit, lævâ oleæ ramum humero demissum tenet: inscriptio, R E S T I T V T O R I H I S P A N I Æ. In alio Imperatoris ejusdem provincia eadem humi sedens lævo cubito lapidum tumulo innititur, dexterâ ramum oleæ habet: inscriptio, H I S P A N I A. quo ex argumento pacata quætaque provincia subintelligitur. In ejusdem alio signum est cum olea in læva, cum genio in dextera, quod fortè refertur ad augurium ex Oliva, sorte sibi oblatum, unde aspirare cœpit ad imperium, fortibus Virgilianis fretus, cum ei versus illi obvenissent:

Hadriani nummus.

Augurium ex oliva.

*Quis procul ille autem ramis insignis olive
Sacra ferens? nosco crines, incanaque menta
Regis Romani, primus qui legibus urbem
Fundabit, Curibus parvis, & paupere terra
Missus in imperium magnum.*

Quibus quidem ramis olive insignem
Maro

Maro fingit Numum ab Anchise præcognitum, cui ob iustitiam & integritatem nemo unquam bellum intulit, ipse ultrò pacem semper fovit. Quocirca Hadrianus imperio potitus æquæ pacis studiosus fuit: expeditiones enim sub eo graves nullæ fuerunt, bella etiam silentio penè transacta. In numo verò Severi Pii Aug. togatum est simulachrum cum oleæ ramo, cujus inscriptio, FVNDATORI PACIS. Eisdem penè figuris in ejusdem Severi Parth. maxim. numo inscriptum est FVNDATOR PACIS. Quamvis verò vidisse juvet, in Maximiani numo simulachrum quod oleam prætendit, cum inscriptione, PAX AVGVS-ILLUD tamen mihi magis arridet, quòd in numismate Philippi patris sigillum illud est olivæ ramum tollens, cum inscriptione, PAX ÆTERNA.

Supplicatio.

IAm vèrò notum est illud, imbellentem olivam à Valerio Flacco quinto Argonauticò appellatum, de quâ Statius non alia causa dixit,

Ramumque precantis olivæ. Atque alibi:

Vittata laurus & supplicis arbor olive.

Ramus enim oleæ laurive lana circumvolutus, manibus legatorum supplican-

*Manus supplican-
tium circumvolutæ
oleæ lauroves*

80 JOHANNIS MEYRSI F.
tium gestari solitus erat: quo de more
Æmilius Probus in Pausania. *Id postquam
Lacedæmonii resciverunt, legatos ad eos cum la-
na miserunt.* Maro quoque morem hunc
tangit:

*Optime Græjugenum cui me fortuna precari,
Et Vittæ comptos voluit prætere ramos.*

Quod quidem hieroglyphicum Servius
ad imbecillitatem indicandam institu-
tum putat: nam qui precantur & suppli-
cant, suam arguunt imbecillitatem. Ex la-
na vero velamentum id accipi solitum,
quòd oves alieno semper auxilio egeant.
Hinc sacra illa *ἱκετήρια*, de quibus in
Theseo Plutarchus: nam Theseus oleæ
ramum fertis coronatum vovit Apollini,
si Minotauro interfecto incolumis re-
diisset. Hinc *ὀχοφορία, πυκνεψία, κυαν-
εψία*.

C A P. XXVII.

De Iunipero.

MEmoriæ proditum est à Musæo lib.
III. Iuniperum arborem Apollini
consecratam fuisse: & Iuniperus existit
virens, atque non est putrescenti natura,
us. coma redimitur aculeata. Vnde & to-
piario operi idonea est: materiamque
habet cariei non obnoxiam. Vide Plin.
lib. VIII. cap. XXV.

CAP. XXVIII.

De Taxo.

Abieti, Piceæ, similis est taxus, sed minus virens, gracilisque & tristis, ac dira, nullo succo, ex omnibus sola baccifera. Mas noxio fructu. Letale quippe baccis, in Hispania præcipuè venenum est. Vasa etiam viatoria ex ea vinis in Gallia facta, mortifera fuisse compertum est. Hanc Sestius similacem à Græcis vocari dixit: & esse in Arcadia tam præsentis veneni, ut qui obdormiant sub ea, moriantur. Sunt qui & taxica hinc appellata dicant venena, quæ nunc toxica dicimus, quibus sagittæ tingantur. Repertum, innoxiam fieri, si in ipsam arborem clavus æreus adigatur. Lucianus.

*Est etiam magnis Heliconis montibus arbor,
Floris odore hominem tetro consueta necare.*

Victorius cap. xxi. 18. de Plant. in Merc.

*Certum est, ibo ad medicum, atque me ibi
toxico morti dabo:*

*Quando mihi adimitur, qua causa vitam
cupio vivere.*

*De Phello sive Subero.**Fortuna Ro-
mana.**Phellopedes ho-
mines.**Vsus Phelli li-
gni apud Tif-
catores & su-
tores.*

PHellus sive $\phi\epsilon\lambda\lambda\acute{o}\varsigma$, idem est cum eo quod Latini vocant Suber. Vnde Plutarchus in lib. de Fortuna Romanorum, scripsit, *C. Pontium à Camillo missum in Capitolium à Gallis id temporis obsessum, quum Tibrim transmitteret, $\phi\epsilon\lambda\lambda\acute{o}\varsigma$ πλατεῖς ὑποσερνίσσας*, hoc est, phellos latos pectoris subjecisse. Græci $\phi\epsilon\lambda\lambda\acute{o}\nu$ perpetuo epitheto vocant, $\alpha\beta\acute{\alpha}\pi\iota\sigma\tau\omicron\nu$, hoc est immer-sibilem, quod in aquis non ponderis vi submergatur. Hinc à Luciano finguntur esse homines phellopedes, qui per mare currentes non mergebantur, quasi phel-linos habentes pedes. Est etiam præterea Suber ad multa utile. Vsus ejus, inquit Plinius, ancoralibus maximè navium, piscantiumque tragulis, & cadorum obturamentis, prætereà in hiberno fœminarum calceatu. Qui ætate adhuc nostra usus perdurat; nam piscatores corticem hunc, reticulorum alis, ne sidant, appendunt: & futores soleas adversus frigora hoc muniunt.

De Alno.

ARbor est alnus sub aquis diutissimè perdurans : & ideo apud quosdam apta navigiis, commoda comparatio est: & est arbor, quæ amat paludes. Hinc rectè Virg.

Fluminibus salices crassisque paludibus alni.
 Alnus etiam usurpatur proverbialiter : ut cum dicam, spectat ab alno. *Απ' αἰγείρου θάλας*, id est, ab alno spectaculum : dicitur de eo, qui quum non possit è propinquo spectare, extrema adiumenta quærit. Erat Athenis extra theatrum in foro alnus arbor, ita tamen ut inde in theatrum pateret prospectus eminus, quo fiebat ut cui in theatro concessus locus non erat, in alnum ascenderet. Vbi licebat. Quando innuere volumus, quempiam in peregrina arte, & à studiis suis aliena, ejus artis mysteria procul & quasi per transfennam inspicere : velut jureconsultus extra Medicæ artis theatrum positus, velut ab alno, juxta proverbium, artis secreta de-
 spectat.

*Theatrum the-
 dicæ artis.*

CAP. XXXI.

*De Malo.**Malus Apollini sacra.*

APollo mali coronam, priusquam laurum seligeret, adamavit, eâque victores in certaminibus coronari voluit, ut in luculento Archiaæ tetrasticho legitur: *τέσσαρες εἰσὶν ἀγῶνες*. quod apud Pausaniam legas statuat Apollini *μηλάτη* erectam: sive à malo quo gauderet, sive ob pastorem, quam per aliquot annos vitam egit. Nam *μῆλα* propriè *πάντα τὰ τετράποδα*. Vnde unius cuiusque quadrupedis tergus melote dicitur, ut obiter Pauli locus animadvertebatur ex epistola ad Hebræos capite XI. *Circumierunt in melotis*. Sed & *μῆλον πᾶς καρπός*, ut etiam apud nos, unumquemque denotat fructum. Ab ea verò æquivocatione factum ut Herculis sacro, æquipollere malus pro Bove indicaretur: cum & maximè redargui posset, quin quadrupedes, & eodem nomine victima censerentur. Fructiferarum autem arborum plantatio hieroglyphicè in Divinis litteris accipitur pro disciplinâ Doctorum, ut sentit Hesychius. Hinc David: *In lege ejus meditabitur die ac nocte, & erit tanquam lignum quod plantatum est secus decursus aquarum, quod fructum suum dabit in tempore suo*. Et, *Ego plantavi, Apollo rigavit,*

rigavit, ait ad Corinthios Paulus. Ad hoc pertinet quod de plantatis arboribus lex jubet primo, secundo & tertio anno decerpi nihil: quarto quæ leguntur, offerri Deo: quinto etiam reliquis usus permittitur. Ex quo tempora quatuor significantur à tempore legis usque ad Davidem, à Davide usque ad transmigrationem Babylonis, à transmigratione usque ad adventum Christi, quibus annis fructus inutilis omnis fuit, sed spes tantum promissa bonæ frugis. Christi autem tempus proventum Deo dicavit, annus sanctus appellatus. Anno autem quinto facta omnibus copia, permissusque fructuum usus, tam Iudæis, quàm gentilibus, Apostolis eos liberalissimè effusissimeque distribuentibus. Sed quod ad Pythia spectat, *Pythia* quamvis victores lauro mox coronari cœperint, mala tamen ex Apollinis templo decerpta, ut Lucianus ait, coronis inferebantur. Hinc illud apud Apuleium de Paride: Tunc animo volenti Phrygius juvenis malum, quod tenebat aureum velut victoriæ calculum, puelle tradidit. *Paris.*

Amor.

Qui amorum agmina pingere delectantur, lufitare eos malis, & inter *Malum amoris symbolum.*
 F 3 arbores

arbores ejusmodi lascivire, poma decerpere, abrodere, jactareque confingunt. Hinc apud Theocritum βακαλιάσας, βάλλοι τοι πολύφαμε τὸ ποίμνιον ἃ γαλατεῖα μάλοισι. Et; *Malo me Galatea petit*, Damætas ait apud Virg. *Malo Cydippen Acontius venatur*. Mala non temerè Hippomæne Venus elargitur, quæ usque adeò grata fuerunt Atalantæ, ut zonam abstulerint diu ligatam, de quo Theocriti carmen non indiligerenter animadvertendum:

Μᾶλα μὲν ἐν κέλποισι διονύσιοι φυλάσσων.

Mala sinu condens Bacchi de tempore sumpta.
Quod interpretes exponunt amabilia, amorem quippe facientia. mala enim illa Philetas ait de coronatis temporibus decerpta: non enim quispiam in amorem ferretur, nisi priùs lætitia titillatione concitaretur, lætitix verò datorem Bacchum Poëtæ celebrant.

*Lætitia dator
Bacchus.*

Amoris Progressus.

*Amori dicata
malus.*

EA verò de causâ malus potius, quàm arbor alia, est amori dedicata, quòd ejus facies omnem rerum amatoriarum progressum ostendere videatur: earum enim arborum trunci coërciti primùm recti surgunt, à medio verò, ubi dilatari cœperint, in spatia diffunduntur; cujusmodi

modi etiam in amatore ratio est, qui munus suum semper ab ingenuo pudore quodam cohibitus auspicatur: inde ubi paululum processerit, frontem perfricat, *Ingenuus pudor.* ac verecundiæ compedibus expeditus, *Compedes verecundiæ.* quaqua voluerit liberè pervagatur. Fructus præterea fert aureos & rubicundos, palloris eadem & erubescentiæ, ut ita dicam, signa. Nam apud Horatium: *tinctus viola pallor amantium:* & apud Catullum, *quidam inaurata est pallidior statua.* Poma verò ita magis erubescunt, uti magis exposita Soli ab eo continguntur: perinde ac amator eò magis erubescit, quò nequitia palàm magis profertur, aut in aperto deprehenditur. *Amor erubescit.*

CAP. XXXII.

De Arbuto.

Æ Scleapidem scripsisse certum est de Memæcylo, id est, Arbuti fructu. *Memæcytus sive Arbutus idem.* Talem enim fructum arbor illa gignit, & qui plura septem ex ea poma comederit, capitis dolore vexatur.

Aristoteles:

In montibus sponte Memæcyta nascuntur permulta.

Theopompus:

Myrti baccis vescuntur, maturisque Memæcylis. *Myrti baccæ.*

Crates:

Mamma formosissima.

Longè formosissimæ sunt mammae, quale est malum, aut Memacylum.

Quod vides, morus mora fert, ilex acylos, arbutus Memecyla.

Theophrastus Hist. Plant. Lib. III. *Arbutus Memacylon fructum qui edendo est, generat.* Arbutus est arbor frondibus rara: Hinc Virg. Ecloga VII.

Et quæ vos rara viridis tegit arbutus umbra.

Ex arbusto usus.

Ex arbuto etiam faciebant crates, ut, Arbuteæ crates, & Arbuteæ virgæ. Virg. lib. I. Georg.

Arbuteæ crates & mystica vannus Iacchi.

Idem lib. I. *Æneid. & molle pheretrum arbuteis texunt virgis.*

CAP. XXXIII.

De Pruno.

CLearchus Peripateticus scribit, Rhodiis & Siculis Pruna Damascena vocari brabyla: ut apud Theocritum Syracusium:

Ramos brabylis graves & in terram curvos.
Et alibi,

Quanto malum brabylo suavius.

Est autem brabylon fructus pruno vulgari ambitu minor, eodem sapore sed paulo acrius. Seleucus in linguis eadem esse ait madrya brabyla, pruna & πᾶξιλα. Di-
cta

ēta porrò sunt μάδρυα velut μαλόδρυα:
brabylla verò quia ducunt alvum, quasi
βορρὰν βάλλοντα, id est cibos depellentia,
& ἤλα quasi μῆλα, id est, mala, ut Deme-
trius Ixion prodidit. Pruna Damascēna
quem usum medicinale habent etiam
Martialis indicat. Libro XIII Epigramm.
XXIX.

*Pruna peregrine carie rugosa senectæ
Sume: solent duri solvere ventris onus.*

Domitius.

Pruna) Damascēna pruna erant peculia-
ria Syriæ, quæ vetustate fiunt rugosa, ci-
tantque ventrem: mittebantur in Satur-
nalibus, ut indicat Papin. *Quæ ramis pia
germinat Damascos.* Damascēna à Dama-
sco urbe & monte, in quo nascuntur. Su-
pra etiam rugosa dixit. *Carie*) vetustate.
Peregrinæ senectæ) quia ex Syria mittuntur,

C A P. XXXIV.

De Betula.

Betula arbor est vulgaris, quam Roma-
ni ex Gallia in Italiam transfulerunt:
& ex ea fascēs conficiebant qui magistra-
tibus solebant præferri.

CAP. XXXV.

De Ligustro.

Dicit Plinius Lib. xxiv. cap. x. *Ligustrum eadem arbor est, quæ in Oriente Cypros.* Statius, inquit, multò mihi fuit vel Amaryllin, vel Menalcam amare: quàm te, quamvis niger sit. nec enim tantopere candidus color, quo tu insolescis, expetendus est. *Ligustra* enim candida negliguntur: *Vaccinia* nigra inficiendo coloris purpureo expetuntur. *Ligustrum* autem cum fruticis nomen sit, hic fruticis florem qui candidus est, significat. de quo Ovidius Lib. xiii. *Metamorph:*

Candidior folio nivei Galatea ligustri.

Virgilius *Ecloga* ii.

Alba ligustra cadunt; vaccinia nigra leguntur.

Et rusticè, & amatoriè, ex floribus facit comparisonem. *Ligustrum* autem, flos est candidissimus; sed vilissimus. vel *ligustra* flores papaverum sunt, vel arborum. *Vaccinia* verò, sunt violæ, quas purpurei coloris esse manifestum est.

F I N I S.

IOANNIS MEVRSI F.

ARBORETVM SACRVM.

SIVE,

DE CONSECRATIONE

fruticum, earumque

PROPRIETATE,

usu, ac qualitate.

LIBER II.

Frutices complectens.

FRUITICES QVAS LIBER
secundus continet,
sequuntur.

MYRTUS.	PALIVRUS.
ROSA.	GENISTA.
VITIS.	RHUS.
ERICA.	RHAMNUS.



C A P. I.

De Myrto.

Eucadi Deæ rosa, & myrtus *Consecratio*
frutex consecrata fuit, quoniam utraque planta eximiam præ se fert pulchritudinem: Rosa inter flores, myrtus inter frutices, ut Pausanias in posterioribus Eliacis ait, & Virg. Ecloga VII.

Populus Alcide gratissima Vitis Iaccho,

Formosa Veneri Myrtus, sua Laurea Phæbo.

Non defuerunt tamen, qui myrtum sacratam esse Veneri putarunt, quod illâ ornata Venus sit ad iudicium de forma cum deabus profecta, atque victoriam reportavit: quod innuit Nicand. in Alepharmacis in his:

Πρὸς δὲ ἑσσι Δίκλιωναι θεὰς ἐχθρήρατο
κλώνας

Ἡρῆς τ' ἰμβρασίης σέφθη ἔχ' ὑπέδεκτο,
Κάλλι' ἐνεκα κύπριν δὲ εἰς ἔρην Ἡ' ἐρέ-
θησαν

Ἀ' θάνατον, κέσμησεν ἐν Ἰδαίοισιν ὄρεσσι.

Præterea Diclanna tua est ex arbore ramos

Aspernata, tuam nec cepit Iuno coronam,

Quod

*Quod Venus Idæis est illa in montibus olim
Compta comas, ubi de formâ contentio na-
ta est.*

Alii sacram etiam Veneri crediderunt,
quia nascatur in littore maris, unde nata
est Venus, secundum Poëtarum senten-
tiam: alii quia multis morbis mulierum
conveniat. Non tamen soli Veneri sacra
putabatur, sed etiam Dionysio, ut Ari-
stophanes testatur in Ranis:

Ἰ' ακχ' ὦ Ἰ' ακχε,
Ἐλθε τόνδε λήμῶνα χορεύσων
Ὅ σίχες ἐς διασώζας,
Πολύκαρπον μὲν ἱνέαςων
ἀμφὶ κεφαλὴ σῶ βρύοντα
Στέφανον μύρτων.
Iacche ô Iacche,
Veni per hoc pratum tripudians.
Sacros ad initiantes
Fructiferam concutiens.
Circa caput tuum virentem
Coronam myrtorum.

*Usus in convi-
viis.*

Virgam illam myrteam, ad quam in con-
viviis canebant in Græcia, multi αἴσακην
appellant. Hesychius αἴσακην & lauream
virgam dicit. αἴσακϰ, inquit, ὅ τ' δάφνης
κλαδϰ, ἧ κατέχοντες ὕμνουσιν σὺν θεῷ.
Quod Latini solarium appellant, locum
scilicet apricum, soli expositum, αἴθυσαν
veteres Græci videntur appellasse: Pro-
pterea

pterea qui olim in conviviiis scolia carmina cantabant, myrtum laurumque manu tenebant: Laurum qui versus Homericos recitarent: Myrtum qui Æschyli, Simonidis, Stesichori. Apud Plutarchum D I C Æ A R C H V S Lib. de certaminibus musicis. Cumque essent hilares ut ait Horatius Lib. I. od. IV. Ad P. Sextium, Myrto utebantur: ut in hoc versu:

Nunc decet aut viridi nitidum caput impedire Myrto.

Myrto propterea coronabantur antiqui in conviviiis, quippe quæ & flexilis, & Veneri consecrata. Quamobrem hæc verba Horatius canit:

Dedecet myrtus, neque me sub arcta vite bibentem.

Ramulos Myrti Græcos consuevisse bu-
stis imponere, cum quasi inferias face-
rent; atque ita solitos etiam mortuos de-
corare, indicio Euripidis intelligitur: Qui
in Electra ita inducit virginem hanc ip-
sam de cære querentem, cum acerbita-
tem inimicorum accusaret, qui ne mor-
tuo quidem Agamemnoni paterentur
debitos honores haberi: manesque ejus,
justis ex more factis, placari, Ἀγαμέμνο-
ν δὲ τύμβῳ ἢ πιασμένῳ ἔπώποτ' ἔ-
χοας. ἔδὲ κλῶνα μυρσίνης ἔλαβε. πυχὰ δὲ
χέρσος ἀγλαϊσμάτων. Sed etiam post in
eadem

*Usus erga mor-
tuos.*

eadem fabula senex, qui aluerat Agamemnonem, in sermone Electræ ostendit se, cum vocatus ad eam accederet, aliquantum de viâ deflexisse: atque sepulchrum patris ipsius invenisse: nactumque illic, quam optabat solitudinem, ei vinum libasse: sepulchrum ejus, myrto impositâ ornasse. Ἡλθον γὰρ αὐτῇ πρὸς Τάφον πάρεργ' ὁδῷ, καὶ περσπεσὼν ἐκλαυς, ἐρημίας τυχὼν. Σπονδάς τε, λύσας ἄσπετον, ὃν φέρω ξένοισι, Εἴ ποτε τύμβῳ δὲ ἀμφέθηκα μυστρίνας. Etiam coronam myrteam tumulis profundi solere mos veterum fuit, quod & nunc aliqua veterum marmorea sepulchra ostentant. Obducebantur etiam Myrto postes apud antiquos in nuptiis, ut (exempli gratia) in Honorii & Mariæ. teste Claudiano:

*Hi nostra nitidos postes obducere Myrto
Contendant.*

Nam hoc fiebat scilicet, quia Myrtus Veneri sacra ut prædictus auctor in Epigr. Magnetis testatur.

*Ducit flamma choros, festa frondentia myrto
Limina cinguntur.*

Myrtea corona præmium data Victori in certamine Iunonis Argivæ, Ἡγεῖα: & in Herculis, apud Thebanos: Ἰολαία. ab illo gestabatur, qui in virorum de forma certamine apud Eléos victor arma, quæ

victoriæ

*Verba tragici
Poetæ.*

*Vsus in Nup-
tiis.*

*Vsus erga vi-
ctores.*

viſtorię præmium accepiffet, Minervæ
conſecratum ibat. καλλιπεία. Myrtis etiam
magiſtratus coronabatur ſecundum hoc
proverbium. Μυρρίνων Ἐπιθυμείς, hoc eſt,
eſt tibi animus ad conſulatum, vel tu de-
ſideras in conſulem evadere. Teſte Apoſt.

Myrto etiam coronabantur amatorii
Poëtæ, uti de his videre eſt Tibullum.

Et gerat inſigni Myrtea ſerta comâ.

Sertaque odoratæ Myrtea ferte comæ.

Corona Myrti vel myrtea, cujuſmodi
Megaris in Alcatheis, quæ erant Pythia
in honorem Apollinis ad exemplum Del-
phicorum inſtituta, victori data fuit, ut
ex hoc loco patet. Author eorum fuit
Alcatheus, Pelopis filius, in memoriam
Leonis Cithæronii à ſe conſecti Pauſan.
in Atticis. Vide Nem. e. g. 7.

Cur certè Poëtæ fabulantur Veneri
Myrtum ſacratam eſſe me latet, deque il-
la cauſam facilè non exponam, niſi quod
ejuſ oleum capillis utile: ut etiam ad
comparandam pulchritudinem, ſicut
Pauſanias ait, in Eliacis, Lib. II. Murtia
autem Venus à Romanis colebatur, quæ
Myrtia priùs dicta fuit, ut eſt apud Pli-
nium, à myrto ſcilicet Veneri dicata: id-
circo & pro verbenâ in conjunctione
Sabinorum, & Romanorum, electa fuit.
Plinius inquit lib. x v. Hiſt. Nat. *Et ara*

vetus fuit Veneri Myrtea, quam nunc Murtiam vocant. Idem tradit Plutarchus in causis Romanorum. Murtia verò Dea fecordia, fuit alia Murtia, cujus in quarto de Civit. Dei D. August. meminit: Deam, inquit, Murceam, quæ præter modum non moveret, ac faceret (ut ait Pomponius) murcidum, id est nimis desidiosum & inactuosum. Festus: *Murcea Dea sacellum erat sub monte Aventino, qui antè Murcus vocabatur.* Titus Livius lib. primo: Tum quoque multis millibus Latinorum in civitate acceptis, quibus ut jungerentur Palatio.

Usus triumphantium ex Plinio.

Triumphans de Sabinis Postumius Tubertus in consulatu (qui primus omnium ovans ingressus urbem est, quoniam rem leviter sine cruore gesserat) Myrto Veneris victricis coronatus incessit, optabilemque arborem etiam hostibus fecit. Hæc postea ovantium fuit corona, excepto Marco Crasso, qui de fugitivis, & Sparta, Laureâ coronatus incessit; quia myrteam aspernatus est. Maufarius auctor est, curru quoque triumphantes Myrtea corona usos. L. Piso tradit, Papyrium Massonem, qui primus in monte Albano triumphavit de Corsis, Myrto coronatum ludos Circenses spectare solitum. Avus maternus Africani sequen-

ARBORETVM SACRVM. 99
ſequentis hic fuit. Marcus Valerius dua-
bus coronis utebatur, Laurea & Myrtea.

Ενισαμένων δὲ τῶν ἐχθρῶν τῷ Μαρκέλλῳ
πρὸς τὸν Θρίαμβον, ἐπεὶ καὶ περὶ τῆς Ἰνέας
ὑπολιπεῖς ἦσαν ἐπὶ τῇ Σικελίᾳ, καὶ Φό-
νον εἶχεν ὁ τριττός Θρίαμβος, συνεχώρησεν
αὐτοῖς. τὸ μὲν ἐντελὲς καὶ μέγα εἰς τὸ Ἀλβα-
νὸν ὄρεον ἐξελάσας, τὸ δὲ ἐλάττω κατὰ γαλῆν
εἰς τὴν πόλιν. ὃν δὲ ἄν Εἰληνέες, ὅταν δὲ Ῥω-
μαῖοι καλῶσιν. πέμπει δὲ αὐτὸν σὺν ὅππῃ τῶ
πεθρίπῳ βεβηκὼς καὶ δάφνης ἔχων στέφα-
νον, καὶ τῶν παλαιῶν περὶ τῆς αἰχμῆς ἐν
βλαύτῃ, ὑπὸ αὐλῆων μάλα πολλῶν, καὶ
ἡδὺς ὀφθιῶν, μακρὸν ἢ κατὰ πηλίκον. ὃ καὶ
μέγιστον ἐμοὶ τεκμήριον ἐστὶ τῆς τριτοῦ προ-
ξέως αἰχμῆς μὴ μεγέθει διορίσας τῆς Θριάμ-
βος τὸ παλαιόν. οἱ μὲν γὰρ μὴ μάχης καὶ φό-
νον πολέμων ὀπικρατήσαντες. τὸ Ἀρήϊον ἐκεί-
νον ὡς εἴκοιτο ἐφοβερὸν εἰσῆγον, ὥσπερ ἐν τοῖς
καταρμοῖς τῶν στρατοπέδων εἰώθεσαν, δάφνη
πολλὴ κατὰ στέφανον τῶν ὀπλων, καὶ τῶν ἀνδρῶν.
τοῖς δὲ πόλεμος μὴ μὴ δεηθεῖσι στρατηγῶν,
ὁμιλία δὲ καὶ περὶ τῆς ἀφ' ἑαυτοῦ λόγου πάντῃ θεμέ-
νοις καλῶς οἱ ὀππικράσαντες τὸν πόλεμον τῶν
τῶν καὶ πανηγυρικῶς ἀπεδίδον πομπὴν ὁ νό-
μος. καὶ γὰρ ὁ αὐλὸς εἰρῆνης μέγας. καὶ τὸ
μύσθον, Ἀφροδίτης Φυτὸν, ἡ μάστιξ θεῶν
ἀπέχεσθαι βίᾳ πόλεμοις.

Quum verò im-
pedirent invidi ne triumphans in urbem

ὑπὸ Οὐαν-
τιμῳ.

inveheretur Marcellus, quòd reliquæ
belli

belli in Sicilia quædam essent, & in oculos hominum incurreret tertius triumphans, cessit ipse. Triumphavit in monte Albano, inde ovans urbem iniit. Ovans autem non invehitur curru, neque laureatus, neque concinitur tubis, sed pedibus ingreditur calciatus, modulantibus multis tibiis, coronam gestat myrteam sicut pacatus, gratus aspectu magis quam metuendus: unde conjectura ducor, inter ovationem & triumphum non ex magnitudine rerum gestarum, sed ex modo fuisse discrimen. Qui enim signis collatis & cæsis hostibus victores reddidissent, Martialem illum & trucem, meo judicio ducebant triumphum, & ut moris erat in lustrando exercitu, multa arma lauro militesque excolebant: at qui citra vim benevolentia, gratia & verbis confecissent rem, iis ducibus pacati hujus & plausibilis celebritatem dabat mos. Nam pacis insigne tibia est, & myrtus Veneris planta, quæ à vi & bello præter cæteros deos deasque abhorret.

Sed cur myrtus non inferretur in ædem Bonæ Deæ Plutarchum vide in questionibus Roman. & Gyraldum in Hist. Deorum Syntag. xvii. *Quid est, inquit, quod Deæ Gynecæ, quam bonam Deam nominant, omni florum genere sacrum exornantes mulie-*

mulieres, in domum Myrtos non important, præsertim cum ambitiosius cunctis germinum ac florum varietatibus uti soleant? An illud est, quod à fabulatoribus dicitur, Flavii divinatoris uxorem fuisse, quæ cum vino clàm uteretur, deprehensa myrteis virgis ac flagris à vino cæsa fuisse dicitur: inde factum est, ut Myrtus in ejus adem non inferatur: vinum tantùm, cum mulieres eum libant lac appellant. An verò, quod cum à multis aliis tum verò rebus venereis castæ ac puræ sacrum obeunt. Non solum enim viros excludunt, sed cum solenne sacrum faciunt, quicquid est masculum domo exigunt. Myrtum igitur quasi Veneri dicatam, religiosam habent. Nam quam nunc murtiam Venerem vocant, antiquitus (ut videtur) myrtiam appellare consueverant.

C A P. II.

De Rosa.

ROsam quæ præterierit, ne quæras iterum.

Ρόδον παρελθὼν μακρὴν ζήτει πάλιν.
id est:

Ne quære rursus præteritam semel rosam.

Ne te maceres desiderio rerum, quæ re- *Rosa præterita.*
vocari restituique non queunt: velut ex-
actæ juventæ formæ, virium, fortunæ.
Nam ut nihil est rosa gratius, ita nihil mi-

102 IOANNIS MEYRSI F.
nus diuturnum. In eundem sensum dixit
in Odis Horatius :

Mitte sectari rosa quo locorum

Sera moratur.

*Rosa perbreve
tempus est.* Habent enim rosæ suum tempus, sed per-
breve. At exquisitius etiam alieno tem-
pore rosam quærunt. Vnde quadrabit in
eos, qui jam ἐξωποι voluptates sectantur.
Velut si nucibus ludat vir, aut amet poti-
tæue senex.

Historia de Rosa.

Qui rosæ pulchritudinem miratur, ei
Veneris plagam considerandam esse
ajunt. Amabat enim Adonidem dea:
ambat autem & Venerem ipsam Mars.
Æmulatione igitur accensus Mars, Ado-
nidem sustulit, solutionem amoris mor-
tem Adonidis fore arbitratus. Quum au-
tem factum cognovisset dea, se de Marte
ulcisci statuit, & de industria in rosas ir-
ruens discalceata, ad ipsius rosæ spinas
plantam pedis impegit, & quum alba
prius esset rosa, ex cruore qui à saucia Ve-
nere destillavit, in eum qui nunc in ipsa
cernitur colorem transiit, ex eoque tem-
pore amplius & gratia & odoris jucun-
ditas ei accessit. Alii ajunt, quum in Cœ-
lo dii convivarentur, & nectar multum
adstaret, Amorem choream duxisse ac
tripu-

tripudiasse, & cum ala crateris fulcrum concussisse, eumque evertisse. Atque sic Nectar in terram effusum rosæ florem rubicundum reddidisse. Athenis fructus omnes perpetuò fuisse, planum est ex Aristophane in Tempestatibus. Non ergo videtur incredibile, aut mendatio confictum, quòd Aëthilius Samius narrat libro de iis, quæ Sami pulchra & rara sunt, in ea insula bis anno ficos, uvas, omomelidas, mala, rosas, nasci. Rosarum stirps tametsi fruticosa sit, consentaneum tamen & decens magis est, eam floribus jungere, quàm spinosis fruticibus sociare: Principatum siquidem inter flores omnes Rosa facile obtinet, ejusque in Coronis omnibus usus propè nimius est; & ut ex Anacreonte Teio, Poëta Græco vetustissimo, Henricus Stephanus perquã eleganti carmine Latino reddidit;

Rosa, honor, decusque florum:

Rosa, cura, amorque veris.

Rosa, cœlitum est voluptas.

Rosæis puer Cytheres

Caput implicat coronis,

Charitum Choros frequentans.

Gratia.

ROsa autem sine spinis considerata, tum venustatis, tum amoris, in primis

autem gratiæ ejus signum est, qua quis præditus omnium in se amatorem contrahat, omnium sibi animos conciliet. Inde factum est, ut purpureum rosæ colorem Veneris sanguinem esse Poëtæ dixerint, qui quidem ex ictu ejus pede defluerit, & rosam, quæ prius ubique alba erat, aspergine sua continxerit:

Illa quidem studiosa suum defendere Adonin,

Gradivus stricto quem petit ense ferox,

Afflixit duris vestigia cecarosetis,

Albaque divino picta cruore rosa est.

Et Europa, Theocritus: Dum regiæ puellæ alios aliæ flores legunt, ipsa regis filia purpuream manu rosam legerat, qualis Venus inter Gratias excellens. Inde rosas loqui, proverbium, de re gratissima jucundissimaque. Et Persianum illud, dum nutricula gratiam omnium alumnulo comprecatur, Deos votis onerando ait: *Quicquid calcaverit hic rosa fiat.* Sed quod alii fabulosè dicunt, Philosophi illi veteres, qui rerum omnium originem altiùs perscrutati sunt, odorem caloremque illum à Veneris ipsius stella proficisci autumant. Hinc Maro Venerem roseo semper ore loqui dicit. Quod denique ad afflatum pertinet, nemo luculentius expressit, quàm idem explicuerit: ejus enim id de Rosa opusculum, de
cujus

ARBORETVM SACRV M. 105
cujus authore dubium, Charifius agno-
fcit. Ait verò Poëta:

*Vidi Pafano gaudere rofaria cultu,
Exoriente novo rofcida Lucifero.
Rara pruinofis canebat gemma fruteris
Ad primos radios interitura die.
Ambigeres, raperetne rofis tunc aura rubo-
rem,
An daret, & flores tingueret orta dies.
Rcs unus, color unus, & unum mane, deorum
Sideris & floris eft domina una Venus.
Forfan & unus odor: fed craffior ille per auras
Diffatur, fpirat proximus ifte magis.
Communis Paphie Dea fideris & Dea floris,
Precipit unius muricis efle habitum.*

Quò verò Gratix fignificatum inefle ro-
fis apertiùs intelligamus Indorum etiam
monumenta conquiremus: fiquidem co-
rum Magi rofam tanti fecerunt, ut ad
conciliandos magnorum principum ani-
mos, non alia re quapiam libentius quàm
rofis uterentur. Libet verò ex eorum di-
ctatis unum hoc, quod ad argumentum
facit, recitare. Ajunt illi, fi Princeps quis-
piam facer profanusve fit ad eundus,
quem tibi conciliatum velis, ut & te a-
met, & votis tuis faveat atque benignè
refpondeat, obfervandum efle cœli fi-
tum, cum Sol vel in Ariete, vel in Leone
gradu eo afcendente fertur, quem Luna

*Magis Indicis
Rofa in quan-
to pretio fuerit.*

*Oratio Ma-
gum ad Solem.*

læto felicique aliquo aspectu intuat. Hic tu phialam rosaceo nitidissimo plenam in manum dexteram sumens, facie adversus Solem conversa, summis pedibus insistens, & phialam prætendens in hæc verba duodecies repetitione facta, voce clara orationem habeas. Salvere te jubet Deus, ô Planeta tuo potens lumine, ac omnigenæ felicitatis fæcundissimæ, qui tam formosus tamque omnibus exoptatus, tam beneficus oriris radiorum diffusione micantissimus. Tu Sol ille es, qui luce, spiritu, & vigore tuo mundum universum regis: tu cæli lampas, tu rerum omnium lumen, tu eorum quæ ubique gignuntur author: tu per vim, quam tibi Deus Opt. Max. infundit, tibi omnia devincis: tu quatuor mundi cardines continuo infatigabilique cursu pervestigas: tu lumen, & pulchritudinem ex ipsa divinitatis facie mutuaris: tu viam luminosam, & perpetuæ usum lucis nullo interposito velamento Lunæ liberaliter elargiris: tu reliquos stellarum globos luminis tui lampadibus accendis. Quæ si ita habent, exoratum te velim, ut amicitiam, benevolentiam, amplexum, & affectum erga me omnium benevolentia in hoc oleo mihi concedas, ita ut me omnes appetant, & amicitiam meam ul-
trò

trò concupiscant, ac perinde maximos minoresque Pontifices, Reges, Principes, reliquosque potentiores, Senatum, populum, infimumque gregem, mihi amore atque charitate conciliem. Hic quo illi appellarentur nomine profitebantur, rogabantque insuper & adjurabant, obsecrationibus adigebant per ejus potestatem, ut amicitia hæc & amor & pietas: ita in horum cordibus & linguis & operibus insideret, ut magno se affici gaudio experirentur, quotiescumque hominem ejusmodi intueri atque alloqui facultas esset. Proinde Sol virtute & potestate sua, ut mores etiam congruerent, hominisque præsentiam illi omnes admirarentur, honorarent, & esse quantivis pretii existimarent, efficeret. Ad hæc quædam geniorum nomina intermiscabant, quorū interventu eadem fieri supplicabant, præcipueq; nomen illud quod amores & amicitias vivificat, & amantum corda in unum conflant, insolubilique copula conjungit. Ea verò tum quia videbantur absurda (sunt enim, ut Lucianus ait, βαρβαρικά πινὰ καὶ ἄσημα ὀνόματα καὶ πολυσύλλαβα) tum quia ex Christianæ pietatis instituto profana jam habentur, de industria prætermisi. Id ritè cum egissent, oleum summa veneratione susceptum

ptum observabant, quo faciem obungerent, quotiescumque Principem aliquem adituri essent. Quò minimè ridiculum videatur, Vlyssi in Phæniciam appulso, fracta quippe navi, mari ejecto, & omnium egeno, Deam Pallada oleum attulisse, quo ille perunctus, omni abiecto squallore, quem ex maris falsugine, inediaque per quadriduum tolerata contraxerat, *χάρειν καὶ χάρεσι σίλβον*, dignior & venerabilior affectus est. Rosaceum verò Homero fuisse cognitum ex eo coniicimus argumento, quòd *ῥοδινῶ ἐλαίῳ* Venus Hectoris cadaver obunxerat, quod à canum injuriâ, quibus id Achilles obiecerat, inoffensum præstitit. Tantam inesse Rosæ vim, Homerus persuasum habuit. An nos oleum aliud à Venere quàm ex rosâ sua comparatum existimemus? aut alia quapiam ope usum crediderimus, quàm ea ipsa vi, quam rosis ipsa infundit, cum in Carthaginis templo

Aeneid. lib. 1.

*Restitit Aeneas, claraque in luce refulsit,
Os humerosque Deo similis: namque ipsi
decoram*

*Cæsariem nato genitrix, lumenque juventæ
Purpureum, & latos oculis afflarat honores.*
Sed quoniam rosâ super fatis superque
jam provecti sumus, præteribo Aëlii Veri
Imperatoris lectulum, minutulumque
reti-

reticulum foliis rosæ repletum, quem sibi substerni jubebat, in quo Perficis odoribus perunctus recubare consueverat, majorem inde sibi gratiam adepturus. Dissimulaboque fabulas Apuleianas, in quibus Lucius ipse priùs in Asinum ex homine conversus, rosas toto terrarum orbe perquisitis, tam multa pertulit incommoda, donec demùm oblata earum copia, quas decerperet humanæ formæ restitutus, pristino decori & venustati est redditus. Quod autem pertinet ad *Rosa odor.* odorem, rosa sordidissimum animal Scarabeum, cui res plurimum est cum stercore, ut ajunt, odore enecat suo. *Ρόδον* autem eam idcirco appellatam Plutarchus ait, *ὅτι ῥόσμα πλὺν τὸ ὀδῆς ἀφίησι*, quòd ingenti odoris redundantia diffluat. Divinæ literæ, ut Cyprianus ait, gloriosam famam appellare solent odoramenta. Unde Paulus, Christi bonus odor sumus. Et quòd unguentum in Aronis Pontificis barbam difflebat, bonæ index est famæ, quam sibi sacerdos quilibet comparare debet. Et pro martyribus hieroglyphicè poni rosas, à rubore sanguinis, ait Eucherius.

CAP. III.

*De Vite.**Bacchus lætitia dator.*

CVM vinum inventum mortalibus Dionysius excogitasset, mos fuit apud antiquos ut Bacchi datoris lætitiæ, quem Bonum Dæmonem appellabant, poculum extremum post cœnam remotis mensis circumferretur: quod boni dæmonis dicebant, quia bonus Deus Dionysus illud invenisset, vel quia cum moderatione sumptus utilis sit bonus potus. de quo ita meminit Aristophanes in Equitibus:

Μὰ Δι' ἀνεγχετον οἶνον ἀγᾶθ' δαίμον. *Q.*

Non per Iovem potum boni sed demonis.

Draco fuit huic Deo propter perspicacitatem inter reptilia dicatus, ut ait Plutarchus in problematis Symposiacis. Memoriae prodidit Lucianus in dialogo Iunonis & Iovis Icarium cæsura fuisse apud Indos, quia cum palmitem & vini faciendi rationem à Baccho didicisset, creditus est primùm ab Indis venenum in convivio exhibuisse: nam Indi vino primùm gustato in insaniam sunt conversi, ut ait idem in Nigrino. Atque Plutarchus etiam in eo dialogo, in quo disquiritur ignisne an aqua sit utilior, vitem ex India in Græciam primùm portatam fuisse testatur,

statum, cum tamen apud Thebanos primum vitis nata esse traditur, ut asserit Pausanias in Bœoticis, & inde ad Indos deportata. Neque mirum est sanè cæsum fuisse Icarium propter vinum, cum immoderatus illius usus non parum obsit mortalibus, secretaque animi aperiat, & in insaniam propè impellat, ut ait Homerus Libro 2. Odyssææ in his versibus:

Οἶνον γὰρ ἀνώγει

Ἡλῆος, ὅς' ἐφθέκε πολύφρονά περ, μάλ' αἶψα,

καίθ' ἀπαλὸν γελάσσει, καί τ' ὀρχήσασθαι ἀνῆκεν,

καί ῥ' ἐπὶ πρῶτον ἔθηκεν, ὅπερ τ' ἄρρητον ἄμυνον.

Pocula prudentes etiam fœcundæ choreis

Indulgere jubent, cantareque voce sonora

Pocula, quæ utiliter tacerentur, multa profari.

Nam ubi vires corporis, mentemque vini imperium subegerit, multa effutire coguntur homines, ut scripsit in his etiam Theognis:

Ἀφρονὲς ἀνδρὸς ὁμῶς καὶ σώφρονος οἶνον, ὅταν δὴ

Πίνεθ' ὦπ' ἐρ τὸ μέτρον, κῆφον ἔθηκε νόον.

Prudentis stultique viri immoderatus haustus

Vina levem mentem reddere sapè solent.

Lycur-

Lycurgus, ut fabulæ ferunt, contemptor Bacchi vites amputabat, & inter amputandum sibi crus bipenne condidisse fertur: quod ideo fictum esse existimat Servius, quia fuit abstemius. abstemios autem vocamus qui temetum, hoc est vinum non bibunt. hunc una cum Pentheo mactatum fuisse à Baccho cecinit Ovidius:

*Penthea tu venerande , bipenniferumque
Lycurgum*

Sacrilegos mactas.

Fabula Penthei notissima est. Lege Ovidium in tertio Metamorphoseos. Pentheus, Echionis & Agaves filius, Tiresiæ vaticinium aspernatus, cum in adventu Liberi patris, Thebani hederâ redimiti obviam ei procederent, ac sacra susciperent, suos idem facere prohibet, & illud spectaculum omninò pro nihilo ducit, negans ex Semele Bacchum Deum procreatum. Illicò etiam famulis suis imperat, ut Liberum ad se vinctum attrahant. At illa, ut vesanientem eluderet, versus in Acætem, ducitur vinctus, & custodia clauditur. Quod verò ad Ægyptios attinet, scitu dignum illud quoque eos à Dione φιλοίνους nuncupari, id est in vinum proclives, ac philopotas: quoniam apud eos comperta primùm tradatur vitis,

tis, in Plinthine civitate, quod Hellanicus scribit, ac inde factos vinolentos. Sunt qui scribunt, excogitatam ab eisdem ex hordeo potionem, ut vini inopes inde sibi voluptatem conquirerent, quando & hac oblectatur ita, ut canant etiamnum saltentq; obeantq; omnia ebriis consueta, eo tamen interstitio, quòd qui vino externantur, in faciem (inquit Aristoteles) feruntur: qui verò crithinum hauserint, caput resupinant. Vinum quippe *καριθαίνον* est, aggravatque caput. Crithina potio carotica censetur. vinolentiæ Ægyptiorum argumentum evidens: brasicæ, velut ex lege, prægustatio in cœna: quoniam amethystum sit remedium id, hoc est, ebrietatem reprimat. Quod efficere creditur ejusdem quoque semen. Illud addo: Hecatæum scribere, in Ætolia inventam primo vitem, quam quia *ὄναν* dicrent veteres, inde nuncupari *οἶνον*. etiamsi ab Oeneo putant alii, in cratylo item aliud Platone statuente.

Erat & vitis gestamen centurionis, quo ille milites ob leviora delicta verberabat. Minus enim ignominiosa pœna erat quæ à centurione, quàm quæ à lictore esset illata. Vnde Iuvenalis Satyra octava:

Macrobium vitem appellat centurialem.

*Nodosam post hæc frangebat vertice vitem,
Si lentus pigra muniret castra dolabra.*

Martianus ad lib. 13. §. Irreverens 4. ff. de de re militari. *Si miles vitem tenuit, militiam mutat: si ex industria fregit, vel manum Centurioni intulit, capite punitur.* Pœnæ graviores quibus milites in Romana militia afficiebantur erant, Virgis cædi, fustibus subjici (*ξύλον πεῖσθαι* non absimile hodiernis moribus *Durch die Spiessen lauffen*, notante Rittershusio ex Polybii lib. 6. ad 11. xii. Tabb.) *Vite verberari* linguæ abscissionem, vel manuum amputationem vel crurum executionem, vel in servitutem adactionem pati, in exilium mitti, securi percuti, sicuti has & longè plures recenset Petrus Faber lib. 1. Semest. cap. 17. & 18. & Stewech ad Vegetium Lib. 111. c. 4. tt. ff. de re militari. Erat autem vitis insigne centurionum & aliorum militum ducum principumque quam *κλήμα εκατοντάρχης* vocat Plutarchus in Galba, ut notat Gothofredus ad lib. 13. §. Irreverens 4. ff. de re militari. Ideò Silius lib. 11. Punicorum:

Latiaque superbum

Vitis adornabat dextra decus.

Et Plinius lib. 14. cap. 1. *Centurionum in manu vitis opimo præmio tardos ordines ad lentas perducit aquilas: & Apuleius lib. 9. de Asino. Militem magis in suam perniciem efferrari jamque inversa vite de vastiore nodulo cerebrum*

ARBORETVM SACRVM. II5
brum diffindere. Sic & Tacitus lib. I. narrat de Centurione Lucillo cui nomen. Cedo alteram, quia fracta vite in tergo militis alteram clarâ voce ac rursus aliam poscebat. Et Dion Cassius lib. 55. Evocatos milites, quorum etiam fit in L. 2. vers. nihil verò (ut nemini liceat in emptione specierum, seu veteranos quos post patris cædem Augustus excivit ex Calatia & Casilino, quorum fuit certum corpus ferentium vites, Centurionum more : quamvis hi evocati à Galba appellati fuerint juvenes equestris ordinis, qui manente annulorum aureorum usu excubias circa cubiculum Galbæ vite militum notante Suetonio in Galba n. 10. Quid si dicerem vitem non absimilem fuisse cinem Regimentsstaab inde cinem mit dem Regimente schlagen / cum & hodiè gravissimè puniantur milites refractariè Centurioni resistentes.

Lætitia.

PER vitem lætitia intelligitur: id non Ægyptii tantum, verum & Philosophi & Poëtæ Latini, Græcique omnes eodem admiscere consensu. Sed ut plurima super hoc à Platone & à Homero dicta dissimulem, nonne Divinæ etiam literæ sententiam hanc eandem plerisque locis

prosequuntur? cuiusmodi illud est, quod requisita vitis ad aliarum arborum imperium respondit, non posse se deferere vinum suum, quo Deus atque homines læti redderentur. Quare Socrates apud Xenophontem, Symposio, vinum ait non aliter excitare, quàm oleum inspersum igni flammam adauget. Et conjectores, vel modici vini haustu in somniis attentari viso, læti alicujus eventu signum arbitrantur. Apud Philostratum vinitor sub vite confidendum Phœnici suadet, quòd ex ea aspirare soleat lætitia. Epigrammatarius Poëta quidam non inelegans nec infacetus, acerbè in eum invehitur qui racenum immaturum aspernatus humi abiecerat, & insuper pedibus conculcaverat: non immeritò quidem indignatus, proptereà quod eo gustu deceptus, vitem omnem malè acceperit, & in præciso racemo succrescentem lætitiā extinxerit. Ita enim dicit:

Τίς ποτ' ἀκηδέσως οἰνοτρόφον ὄμφακα
βάκχῃ

Ἀνὴρ, ἀμπελίνῃ κλήματι ἐξέταμνον,
Χελεάδε συφθεὶς ἀπὸ μὴν βάλεν ὡς ἂν ὀ-
δίταις

Εἴη νιοσομύοις ἡμιδαὲς σκύβαλον,
Εἴη οἱ δῖόνυσος ἀνάριστος ὅσα λυκύργω,
Ὅτι μιν αὐξομύαν ἐσθῆσεν δὴ φροσύ-
ναν.

Τῷδε

Τῷδε γὰρ αὖ τάχα ἕως Διὸς πώμαϊ Θ, ἢ πρὸς
 Η'λυθεν, ἢ γοερῶς κήδεσσι ἔχελυσιν.

Cujus hæc propemodum est sententia :

*Quæ feritas ? quisquis dona immatura Lyæi
 Ante diem è vitis palmite sustulerat,
 Labraque perstrictus vecors abiecit, ut esset
 In pedibus tritâ vile putamen humo,
 Huic pater instauret Leneus digna Lycurgo,
 Quando ita nascentem sustulit Euphro-
 synen.*

*Namque aliquis vino hoc hilaris cantasset,
 amasset,*

Aut poterat curas dememinisse graves.

Nos verò adolescentes jocati contrà ita
 respondimus :

Κεῖν Θ' ἀεισέσσης κ' οἶνο τρώφον ὄμφακος
 μισῶν,

Ὅς βάλε τὸ σκύβαλον ἡμιδαὲς χα-
 μάδις,

Κλήματα τ' ἐξεταμῆν κ' ὅλως βλαστὲς ὑπὸ
 εἴζης,

Ὅς τὴν αὐξομένην ἔσβεσεν ἀφρο-
 σύναν.

Τῷ δ' ἕως οἶνοβαρῆς Διὸς πώμαϊ Θ, ἢ πρὸς
 ἄρχα,

Η'λυθ' αὖ ἢ γ' αὐτὰς τάχα λέληθε πέτρων.

Quorum sensum ita Latinè reddemus :

*Maeste animis quisquis vinum hoc immite
 perosus,*

Allisit putri vile putamen humo,

Remosque & plantam totam ab radice recidit,

Atque ita gliscentem sustulit Aphrosynen.

Nam aliquis poto hoc vino gravis issset ad arma,

Aut decoris poterat dememinisse sui.

Sed ut lætitiæ huic modum imponamus, Salomon ait: *Exaltatio animæ & cordis, vinum moderatè sumptum*: ad iucunditatem enim creatum est, non ad ebrietatem, quæ te vitâ defraudet.

Hilaritas.

EAdem ratione quâ lætitiâ significat vitis, publicam etiam hilaritatem ostendere videtur: quare apud Maronem Troia ni longa navigatione & sævissima mox tempestate fatigati; Dei Bacchi lætitia exhilarantur, atque alio etiam loco, adesse eisdem lætitiæ doctorem Bacchum votis precari videmus. Tum apud Horatium, si qua celebratur hilaritas, vel ipsa pavimenta vino natant. Tristi verò & perturbato homini Plautus propinandum monet, qui bilem diluat. Cui simile id, quod apud Ciceronem l. III. Tuscul. habetur: *Huic calix mulsi impingendus est, ut plorare desinat.* Quin & ipsa Musica, quæ tota ad hilaritatem comparata est, non alio magis stimulo concitatur quàm suavis

vis vini gustu. Hinc apud Ovidium legas:

Nec non & carmina vino

Ingenium faciente canunt,

Quod ex Tibulli synepeia dictum. Ille enim cum Osirim vitifatorem laudaret, ita de vino cecinit:

Ille liquor docuit voces inflectere cantu,

Movit & ad certos nescia membra mo-
dos.

Hinc Æschylus quasi nimium oblas-
ciens, dictus est tragœdias suas potando
scriptitasse, de quo Plutarchus in Sym-
posiacis. Contrà reprehensus est Gor-
gias, qui tragœdiam suam Marti dedica-
rit, cum Baccho potiùs tribuenda fuerit:
nam ea de causa dictum, *ὅτι ἐστὶ διθύραμ-*
βος καὶ ὕδωρ πίνῃ, nullam quippe adesse hila-
ritatem ei, qui aquam bibat. Quam senten-
tiam sibi Horatius desumpsit, eo Episto-
larum loco, ubi festivè admodùm biba-
citatem hanc eludit ad Mecænatem:

Prisco si credas Mecenas docte Cratino,

Nulla placere diu, neque vivere Carmina
possunt,

Quæ scribuntur aqua potoribus.

Mox & illa per jocum acriter demorsa:

Ennius ipse pater nunquam nisi potus ad
arma

Profiliit dicenda, forum putealque Libonis

Mandabo siccis, adimam cantare severis.

Agnovit & hoc Anacharsis Scythæ, quamvis super vino severe nimis judicaret: quippe qui cum in convivio quodam vibratores quosdam cantilenam admodum variam crispata voce cum sibilo simul emodulantes auscultaret, interrogatus an in Scythia tales essent emodulatores, respondit illicò; *Neque quidem vitis*: utpote qui innuere vellet, non aliam esse causam emodulationis ejusmodi, quam epotum vinum, atque hinc dicterium, *Nemo cantat sobrius*. De his queritur David Psal. LXXIII. *Vinipotores contra se canere*. Anacharsis dictum ab Aristotele commemoratur eo loco ἀναλυτικῶν, ubi argumentorum quædam genera à causa desumi solere ostendit. Idem Anacharsis tres in unaquaque vite racemos inveniri dictitabat, qui diversa inter se vi pollerent: primum enim voluptatem afferre, ebrietatem alterum, tertium molestiam. Sed utcumque Scytharum suorum sobrietatem prætendat Anacharsis, Cleomenem tamen Spartanorum regem apud Scythas, ut alibi diximus, vino versum in insaniam accepimus, quòd scilicet cum eis meri potationibus contendere voluisset. Meritò autem Plato, ubi secundo de legum ferendarum ratione differit, optimum futurum existimat, si

Car-

Carthaginensium more miles in castris nunquam vinum gustet, sed toto expeditionis tempore aquam biberit. *Servis ne vinum unquam concedatur. Magistratus, quandiu munere funguntur, abstemii sint. Praesides & Iudices, eo tempore quo negotia causarum tractantur, vinum penitus non attingant. Et qui magis de reip. rebus consilio adhibentur, remque publicam administrant, aquam omninò bibant, quam sententiam Philosophus summus ex xxxi. Proverbiorum Salomonis capite sibi desumpsit.* Sanè Romanorum in hoc quoque prudentiam, qui sobrietatem in imbecillo fœminarum genere accuratissimè custodirent, multi commendavere. Sed Tertullianus egregiè, qui mulieres Romanas ait olim, usque adeo vino abstinere civitatis ejus instituto jussas, ut matronam ob resignatos cellæ vinariæ loculos sui inedia necarint. Sub Romulo verò quæ vinum attigerat, impune à Mecenio marito trucidata sit: idcirco & oscula propinquis offerre necessitas erat, ut spiritu indicaretur, exploratumque inde esset, an temetum olerent.

Valerius Maximus lib. 2.

Libertas.

QUod verò ad libertatis indicium sit vitis, ipsa Bacchi nuncupatio, quæ

H 5

apud

apud Græcos Lyæus est, apud Latinos Liber, argumento esse potest. Tum apud Platonem invenias, explorandis adolescentium ingeniis convivium nonnunquam indulta, quò illi ad pocula se benignius invitarent, eoque tormento coacti, ab intimis se præcordiis expectorarent, utpote qui nihil tunc simularent, sed cupiditates omnes suas, studiaque omnia aperirent. Vnde sapienter Horatius :

Quid non ebrietas designat? operta recludit.

Epistola 5. ad Torquatium. Et quæ sequuntur. Idem Ibidem.

Fecundi calices quem non fecere disertum?

Contracta quem non in paupertate solutum?

Merito itaque apud Spartanos Dionysius cognomento Ψίλλας dicitur idomate Dorico, quod pennatum significat: vinum siquidem mentem, non secus ac alæ corpus, attollit, & modo huc, modò illuc volitare facit perquam agiler: cuius rei meminit Pausanias tertio.

Dionysius cur Ψίλλας dicitur.

Labor.

NEque tamen ita felix tranquillumque est hieroglyphicum vitis, ut non & laboris plurimi sit etiam argumentum: siquidem arborum nulla majori indiget cura. Usque adeò imbecilla est, ut nisi humana diligentia excolatur, pergu-
lis

lis sustentetur, vel arboribus maritetur, falce comprimatur, ac annis singulis præcidatur, multo denique labore custodiat, brevi admodum tempore vel pereat, vel in labruscam degeneret. Quare non imperitè dixit Hesiodus, siue is Apollonius fuit, qui scutum Herculis doctissimis carminibus celebravit:

Οἷα δ' ὄνυσσ' ἔδωκ' ἀνδράσι χάριμα, καὶ ἄλγ'.

Vt & lætitiā & laborem simul hominibus à Baccho datos affirmaret. Neque sum nescius, τὸ ἄλγ' ad animi etiam anxietatem atque mœstitiam referri posse: siquidem compertum est eos, qui meraco plurimùm utuntur melancholicos fieri, atque inde tristiori esse corde: tum obliuiosos, ut Florentinus in re rustica ait, in primis fieri, ut ea taceam quæ per ebrietatis furorem infanda pleraque perpetrantur: quorum omnium memor Maro, ne vinum plus æquo laudaret, ita cecinit:

Bacchus & ad culpam causas dedit ille furentes

Centauros letho domuit, Rhetumque Pholumque,

Et magno Hyleum Lapithis cratere minantem.

Habet & illud incommodi, quòd linguam

guam vinum præpedire solet eaque de causa Mercurio, non vino, sed lacte supplicabatur, ad ipsam etiam eloquentiæ dulcedinem indicandam, idque Romæ vico etiam Sobrio nuncupato fieri solitum.

Sanguis.

FVit & sanguinis signum oblatum in sacris vinum, atque eo nonnunquam cognomento nuncupatum: quare quod apud Maronem:

*Vidit thuricremis cum dona imponeret
aris,*

*Horrendum dictu, latices nigrescere sacros,
Fusaque in obscenum se vertere vina cruorem.*

Non tantum ostenti loco positum, sed antiquum videtur significatum attigisse, quod & pro vino sanguis, & pro sanguine vinum acciperetur. Nam à Mose secundo Deuteronomii cantico: *Et sanguinem uvæ biberet meracissimum*, & à Psalmographo dictum, Sanguinem uvæ biberunt. Sanè quidem Ægyptii sacerdotes vino pertinacissimè abstinebant, & antiquissimi eorum reges: nam & illi tunc non nisi sacerdotes erant, ut tradit Hecataeus. In Deorum tamen cæremoniis vino utebantur, eoque libabant,

ut idem author scribit, non gratam siquidem rem cælestibus oblaturi, sed eorum sanguinem, qui contra Deos pugnassent propinaturi, indeque sibi numina conciliari arbitrabantur: persuasum enim habebant Ægyptii, vitem ex fuso in terram gigantum sanguine pullulasse, unde & amentia, & furor inesset vino. Quamquam posteriores Reges, Psammetico in primis authore, vinum, sed certa mensura, mensis adhibuere. Ponit verò & Hesiodus mensuram qua sit ad salubritatem bibendum.

Τεῖς δ' ὕδατι πρὸς χέδν, τόδε τέλειον
 ἱέμεν οἶνον.

Tres miscebis aquæ partes, sit quarta Lyæi.

Felicitas.

PERiti scribunt, ubi significata vitis examinant, uvam in somniis visam, etiam extra tempus, felicitis esse præfagii. Cujusmodi etiam vitis fuit, quæ visa est Astyagi per quietem nocturnam de Mandanes gnatae suæ genitalibus oboriri, universamque Asiam palmitibus inumbrare. Quod de Cyro nepote ejus eventu ad eò felici postmodum comprobatum est: terrarum enim latitudinem id significabat, quæ Cyri esset imperio subjuganda.

CAP. IV.

De Erica.

ERicen Græci vocant fruticem non multum à myrice differentem, colore rorismarini, & penè folio. Hoc adversari serpentibus tradunt. Ex hâc ericâ scopæ fiunt, quibus domus verruntur, tum & aliæ, quibus vestes purgantur.

CAP. V.

De Paliuro.

PAliurus frutex asperrima & spinosa pungens & retinens: vulnerans appropinquantem sibi, & adunco dente comprehendens. Paliuri etiam meminit Agathocles Cicycenus libro tertio rerum patriarum, his verbis: *Cum sepulchrum de celo tactum esset, arbuscula è tumulo sese tum exeruit, quam Conna appellant. Magnitudine parva illa est, pino aut ulmo similis, utraque non humilior crebris ramis, non nihil spinosis, prelongis: pallido folio, tenero, natura rotundo.* Virg. Eclog. 5.

Carduus & spinis surgit paliurus acutis.

C A P. VI.

De Genista.

Genista arbuscula quædam humilis est, fronde minuta, flore luteo, apibusque gratissimo. Martialis.

Non pyra quæ lenta pendent religata genista.
Virgilius lib. 2. Georg.

Molle filet, lentæque genista.
Plin. lib. XVI. cap. XVIII. *Subeunt in montosa, tingendis vestibus nascentes genista.* Idem author lib. XIX. cap. I. *Asia è genista facit lima ad retia præcipua, in piscando durantia, frutice madefacto x diebus.*

C A P. VII.

De Rhoë sive Rhu.

RHus, frutex in petris nascens, quidam coriarium fruticem appellant, quòd coriarii eo utuntur ad inspissandas pelles. Aliàs rhus etiam loci nomen est apud Pausaniam, ab aquæ ex montibus defluxu nuncupatum. Meminit & in Theseo Plutarchus: *Commonstrant* (inquit) *Amazonum thecam seu conditorium apud se Megarenses, ad eum qui dicitur Rhus, ex foro euntibus, ὅπου τὸ ρομΒοδῆς.*

C A P. VIII.

De Rhamno.

RHamnus, ab Græcis præcipuè poëtis
 ἀλεξιάριον dicitur, non modo quia
 reptilium morsus allevet, verum quòd
 adversum phantasmata sit amuletum præ-
 stantissimum. Quo argumento, in paren-
 tationibus ante fores appendebatur. Me-
 minit ejus vel Euphorion, ἀλεξίκακον
 Φύεράμενον: nec tacuit Sophron.

F I N I S.



IOANNIS MEYRSII F.
ARBORETVM SACRVM,
SIVE,
DE CONSECRATIONE
herbarum, earumque
P R O P R I E T A T E,
usu, ac qualitate.
L I B E R I I I .
Herbas complectens.

HERBÆ QVAS HIC LIBER
tertius continet,
sequuntur.

ADIAN TUM.	HEDERA.
ALLIUM.	HYACINTHUS.
GRAMEN.	NARCISSUS.
PAPAVER.	DICTAMNUM.



C A P. I.

De Adianto.

Adianti, id est, ut Theophrastus ait lib. VII. Plant. Capilli veneris, folium in aqua nunquam madescit, nec quicquam adhesisse humoris constat. Vnde & nomen herba accepit. Teste Plinio, Nat. Hist. lib. XXII. genera ejus duo sunt, candidum & nigrum. In coronas autem adiantum Plutoni dicata est.

C A P. II.

De Allio.

Alliorum capita ad multarum nozarum depulsionem valere animis vetustas imbiberat. Columella etiam ovis quæ incubantur, substerni utiliter adversus tonitrua putat. Ejus verba sunt lib. I. cap. V. Plurimi infra etiam cubilium stramentum graminis aliquid, & ramulos lauri, nec minus allii capita cum clavis ferreis subjiciunt, quæ cuncta remedia creduntur esse adversus tonitrua, quibus vitiantur ova.

Vnde proverbium:

Allium in retibus.

Σκόροδον ἐν δικτύοις: id est, Allium in retibus, de fordido comœatu dicebatur: hinc natum, quod Attici, quoties navigationem, aut expeditionem adornabant, commercabantur allia, eaque retibus imposita secum ferebant. Item in obsidionibus urbium in precio erat allium, unde illud citra nomenclaturam apud Suidam: ἀπόλλυμαι τὰ σκόροδα πούμην. id est, Perdo allia in obsidione. Traces præcipuè delectantur alliis, utpote calidis, quum regionem inhabitent frigidam. Quin & hodiè nautarum deliciae sunt allium, non ingratus & rusticorum cibus, utcunque execratus Horatio, Epodon libro. Oda. 3.

Parentis olim si quis impia manu

Senile guttur fregerit:

Edit cicutis allium nocentius, &c.

Scribunt Græci, lege cautum, uti qui alio vesceretur, sacrarium Matris deum ne ingrederetur.

C A P. III.

De Gramine.

GRamen Marti consecratum est, quod, secundum Plinium in naturalihisto-

historiâ, ex humano cruore procreatur. Hæc herba jumentis est gratissima, siue viridis sit, siue in fœno siccata. Ex hac etiam fiunt coronæ, quarum Plinius lib. XXII. III. IV. & V. Capite mentionem exactam facit.

C A P. IV.

De Hedera.

Hedera herba est perpetuo virens, quæ quum per se stare non possit arboribus & muris adhæret. Festus. Hedera dicitur, quòd hæreat, vel quòd edita petat, vel quia id, cui adhæserit, edat: quæ in tutela Liberi patris putabatur esse, quia, ut ille semper est juvenis, ita hæc semper virescit.

Thraces & Iudæi pro lege habebant, in omnibus sacris hedera coronari: & non solum coronati, sed scuta & gladios hedera ornati, in solemnibus libabant. Interdum legimus præter hederam, & pampinis & ficulneis ramis latè frondentibus, Bacchum coronatum, atque ita devictis hostibus, triumphasse. Hedera verò ideo sacra Baccho, quia contra ebrietatem facere putant: vel quia Cissus puer fuisse in ejus comitatu dicitur, qui cum saltaret cum Satyro, humi lethaliter affligtus, ab eo deo est in hederam confor-

matus, quæ & κισσὸς Græcè vocatur, ut
Constantinus in Geoponicis scribit. Alii
ad imitationem Bacchi id factum credi-
derunt, quòd ille, cum esset puer hederæ
& lauro coronatus incederet, ut ait Ho-
merus in hymnis :

Δητότε φοιῖζεσκε καθ' ὑλήεντας ἐναύλας,
Κισσῶ ἢ δάφνη πεπυκασμένῳ.

*Tum quoque parvus erat, sylvisque errabat
in altis,*

Ornatus lauro atque hederæ.

*Sacra poëtis
Hedera. ~*

Hederæ autem coronantur poëtæ, quasi
Libero consecrati; qui etiam ut Bacchæ
insaniunt. Sic Horatius :

*Vt malè sanos ascripsit Satyris Faunisque
poëtæ.*

Vel quòd semper virent hederæ; sicut
carmina æternitatem merentur.

Qui nimium bibissent caput revincie-
bant, hederacæ præcipuè Coronæ, quæ
planta citra cultum ubivis copiosa pro-
venit, facie alioqui non inveniusta, co-
rymbisque & foliis virentibus frontem
opacans, adstrictionisque vehementiam
patitur, & postremo refrigerat citra odo-
ris gravitatem.

*Hedera corona
utilitas.*

De Hyacintho.

DVarum litterarum a & i figuram refert: quæ res Poëtis duplicis fabulæ occasionem præbuit. Nam & Hyacinthum puerum dilectum ab Apolline, quem imprudens discijactu interfecit, in hunc florem mutatum tradunt, interiectionemque dolentis ai, ex duabus illis litteris conficitur, veluti testimonium doloris, quem Apollo ex ejus morte conceperat, habere inscriptam. Præterea Aiacem in eundem florem conversum ajunt, dum impatientiâ prælati sibi Vlyssis seipsum interemit: duasque primas ejus literas in hoc flore mansisse impressas. Ovidius, utramque fabulam amplexus est lib. XIII. Metamorphos.

— — — *rubefactaque sanguine tellus*

Purpureum viridi genuit de cespite florem,

Qui prius Oebalio fuerat de vulnere natus.

Lutera communis mediis pueroque viroque

Inscripta est foliis: hæc nominis, illa querela.

Erat etiam Apollini sacer hyacinthus flos, qui dicitur fuisse puer Amyclæus ab Apolline & Zephyro uno tempore amatus: at enim cum propensior in amorem Apollinis appareret, odium & indignationem in se concitavit. Quare cum A-

pollo disci jactu se exerceret, Zephyrus discum ab Apolline missum in pueri caput convertit, quem cæsum Apollo in florem sui nominis commutavit, & ex cruore colorem indidit.

C A P. VI.

De Narcisso.

INopinatus affectus magis inopinatus rumor extat. Narcissus enim domestico sui ipsius amore flagrans, domi ex sese periit. Erat enim pulchritudine corporis excellenti, unde etiam amorem & desiderium sui adeptus est. Fontem etenim aliquando velut potaturus inde occupavit, spectator autem propriæ formæ consistens, ipse se ipsum amore sui corripit. Ad fontem itaque subinde progressus, umbram suam velut amator dilexit, superatus autem ab amore, & se ipsum in aquis apprehendere tentans, terram insuper amisit, atque sic affectus refrigerium quærens, vitæ privationem invenit, tantum sanè lucris morte sua adeptus, quantum in florem mutatus est, qui nomine suo illius memoriam affert & conservat. Præcedentis hujus fabulæ, etiam mentionem facit Pausanias, in Bæotica.

Liriope Nympha, ex amne Cephiso procreaverat Narcissum insigni forma juvenem,

Amor sui ipsius nocens.

juvenem, cui Tiresias vates omnia prospera pollicitus est, si pulchritudinis suæ nullam habuisset notitiam. Is cum Echo, aliasque multas contempsisset puellas: Nemesis ultrix fastidientium, ob nimiam crudelitatem, quam in illas exercuerat, ei amorem sui, philautiam dictum, inspiravit, ut sui ipsius flamma exureretur. Proinde cum ex nimia aliquando venatione fatigatus, aquam è fonte hauriret, imaginem sui conspexit, & præ ardentī erga seipsum amore extabescens, vitâ privatus est, & in florem sui nominis evasit. Vt testis est Ovidius lib. III. Metamorph. Is flos fuit Eumenidibus consecratus, è quo Deabus illis sacrificantes coronis utebantur, ut ait Ister in lib. de coronis. Qui tamen fuit Baccho etiam gratus. Scriptum reliquit Phanodemus lib. 5. rerum Atticarum, coronas è narcisso consecratas fuisse Proserpinæ, quoniam florem illum colligeret cum rapta fuit à Plutone.

C A P. VII.

De Papavere.

PApaver Cereri offerebatur, quod non sine ratione factum ait Phurnutus, lib. De Nat. Deorum. Ἀναποθέασι δ' αὐτῇ καὶ τὰς μήκωνας, κατὰ τὸν λόγον. τὸ, I 5 τε γὰρ

περὶ εὐρογυλον ἢ περιφερὲς αὐτῶν παρίστη-
σι τὸ χῆμα τῆς γῆς, σφαιροειδὲς ὄψης. Ἡ', τε
ἀνωμαλία τοῖς κοιλότητι καὶ ταῖς ἐξοχαῖς
τοῖς ὄροις. τὰ δ' ἐνὶ τοῖς δένδροις καὶ ὑπο-
νόμοις ὅμοια. σπέρματά τε ἀναρίθμητα γεν-
νῶσιν ἡ γῆ. *Offertur Cereri etiam papaver. Ra-
tio autem oblationis est talis. Papaveris rotun-
ditas & globus, terra formam, quæ spherica est,
representat. Papaveris autem inæqualitas indi-
cat terra valles, & montium cacumina. Inte-
riora autem papaveris, similia sunt arboribus
& cavernis terræ. Per semina innumerabilia
terra fecundam generationem intellige. Dicit
Plinius Nat. Hist. lib. XIX. Tria esse Pa-
paveris genera, ut ex sequentibus verbis
ejus patet: Papaveris sativi tria genera: Can-
didum, cujus semen tostum in secunda mensa
cum melle apud antiquos dabatur. Hoc & panis
rustici crustæ inspergitur. Tertium genus
rhæam vocant Græci. At luteum papa-
ver Catullo maximè placet, ut videre est,
in nuptiis Iuliæ, & Manlii.*

Iam licet venias marite :

Vxor in thalamo est ubi

Ore floridulo nitens,

Alba Parthenice velut,

Luteumve papaver.

Papaver conciliat somnum, si mediocri
qualitate adhibeatur. Hinc Virgilius lib.
IV. *Æneidos*:

Spargens humida mella, soporiferumque papaver.

Si autem aliquis papaveris nimium acceperit, conciliat tunc non somnum placidum, sed oblivionem rationis naturalis expergiscentibus reddit, & interdum mortis causam esse videtur, ut idem lib. I. Georgicorum probat.

Vrunt Lethæo perfusa papavera somno.

Papaveris florem maximoperè caput à culicum punctationibus defendere & liberare Athenæus testis est lib. XIV.

Papaveris florem tu adime.

Vt intactum caput, & à culicibus non erosum custodias.

Amor.

Nimirum autem papaver florens amoris indicium habetur apud sortilegos, *Sortilegium amoris.* cujus quidem folium qui amoris periculum facere volunt, pugno superponant, alteraque passa manu illud allidentes, ex crepitu conjiciunt quod quærebant. Explorant enim, an amantes redamentur; nam quo clamosius insonuerit, eò se magis amari putant: quòd si sonus oblanguerit, contemptui se habitos arbitrantur: cujus rei tum eo loco meminit Theocritus.

Οὐ γὰρ τὸ τηλέφιλον πολὺ μαζάμεν ὁππῶς
ἔγχεσεν, Ἄλλ'

Α'λλ' αὐτῶς ἀπαλῶ ποτὶ πᾶχι ἐξάμα-
ραύσθῃ.

Quod uno dici potest versu:

Nec supercusso crepuere papavera pugno.

C A P. VIII.

De Dictamno.

PRodunt in Creta capras sagittis per-
cussas, hujus herbæ pastu eas excutere.

Virg. lib. xii. Æneid.

*Dictamnū genitrix Cretæa carpit ab Ida;
Puberibus caulem foliis, & flore comantem
Purpureo. non illa feris incognita capris*

Gramina, tum tergo volucres hæsere sagittæ.

Cic. lib. i. De Nat. Deorum, Capras au-
ditum in Creta feras, quum essent confixæ vene-
natis sagittis, herbam querere quæ dictamnus
vocatur: quam quum gustavissent, sagittas ex-
cidere dicunt è corpore.

F I N I S.





N O M I N A
A V T H O R V M,

quorum testimoniis in his
libris usus sum.

A.



Bbas Vrsper-
gensis.
Abdias.
Acron.

Actuarius.

Aëtius.

Ælianus.

Æneas Sylvius.

Æschylides.

Æsclepiades.

Æthius Samius.

Agathocles Cizycenus.

A. Gellius.

Albricus.

Alexis.

Ananias.

Antiphon.

Antonius Liberalis.

Antonius Augustinus.

Antonius Musa.

Antonius Vasconcellius.

Aphthonius.

Apollodorus.

Apollonius Rhodius.

Apostolius.

Apuleius.

Aristophanes.

Aristoteles.

Arrianus.

Artemidortus.

Artemon.

Athenaus.

Ausonius.

B.

Barnabas Briffonius.

Baysius.

Beatus Rhenannus.

Beniaminus.

Biblia.

Bilibaldus.

C.

Callimachus.

Callixenus.

Cassiodorus.

Cato.

Catullus.

Calius Aurelianus.

Calius Rhodiginus.

Calius Curio.

Celsus.

Charemon.

Christianus Vrstisius.

Claudianus.

Clearchus Peripatetic.

Codinus.

NOMINA AVTHORVM.

Columella.
Constantinus.
Conradus Lycosthenes.
Cyrillus.

D.

D*Ares.*
Demetrius Ixion.
Desiderius Erasmus.
Didymus.
Dion Cassius.
Dionysius Alexandrinus.
Dioscorides.

E.

E*Phorus.*
Eucherius.
Eusebius.
Eustathius.

F.

F*La. Iosephus.*
Florus.
Fulgentius.

G.

G*alenus.*
Gerardus Vossius,
Guilandinus.
Gyraldus.

H.

H*Adr. Turnebus.*
Hermesianax.
Hermolaus Barbarus.
Herodotus.
Hesiodus.
Hieronymus Osorius.
Hieronymus Tragus.
Hippocrates.
Homerus,

Horapollo.
Horatius.

I.

I*oannes Agricola.*
Ioannes Bodinus.
Ioannes Lerijs.
Ioannes Meursius.
Ioannes Pierius.
Ioannes Salisbergiensis.
Ioannes Vigonius.
Iosephus Scaliger.
Irenaus.
Isaacus Casaubonus.
Isidorus.
Iulianus.
Iulius Caesar.
Iulius Obsequens.
Iulius Pollux.
Iuvenalis.

L.

L*ibanus.*
Livius.
Lucianus.
Lucretius.
Lycophron.

M.

M*acrobius.*
Marbodeus.
Marcellus Epiricus.
Marcellus Virgilius.
Martialis.
Mathiolus.
Melampus.
Meletius.
Mesue.
Michael Glycas.

N. Nican-

NOMINA AVTHORVM.

N.

Nicander.
 Nicander Ætolus.
 Nicolaus Leonicens.
 Nicolaus Myrepsius.
 Nilus.
 Nonnus.

O.

Olaus VVormius.
 Onofander.
 Otto Brunfelsius.
 Ovidius.

P.

Palladius.
 Pamphilus.
 Pancrates.
 Pandolphus Collinutius.
 Paschasius.
 Paulus Orosius.
 Pausanias.
 Petrus faber.
 Petrus Laurenberguis.
 Phanodemus.
 Philochorus.
 Philomnestus.
 Philostratus.
 Phurnutus.
 Platina.
 Plautus.
 Plutarchus.
 Polemon.
 Polybius.
 Polydorus Virgilius.
 Pompeius Festus.
 Porphyrius.

Procopius.

Pythagoras.

Q.

Quintus Smyrnaus.

R.

Rembertus Dodonaus
 Rubertus.

S.

Serapion.

Servius.

Silius.

Solinus.

Steph. Vinandus Piginus.

Strabo.

Suidas.

Sulpitius.

T.

Tacitus.

Tacuinus.

Terentius.

Themistius.

Theocritus Syracusius.

Theopompus.

Theophrastus.

Tibullus.

Trotula.

V.

Varro.

Vibius Sequester.

Virgilius.

Vitruvius.

X.

Xenophon.

Z.

Zenobius.

F I N I S.

